



全  
校  
水  
經  
注

ル 5  
134  
8





東坡書  
學校圖書

呂  
134  
8

水經注第二十五 范陽酈道元注 鄞全祖望校

布政使銜浙江甯紹台兵備道無錫薛福成校刊

淮水

淮水出南陽平氏縣胎簪山東北過桐柏山

方以智曰郎仁寶言

淮源當出桐柏不出胎簪胎簪低於桐柏源又小按凡水之源皆由小而合大禹貢亦就所見言之耳○梓材

按此重校本夾片

山海經曰淮出餘山在朝陽東義鄉西尚書導淮自

桐柏

地理志曰南陽平氏縣王莽之平善也

風俗通曰南陽平氏縣桐柏大復山在東南淮水所



出也淮均也春秋說題辭曰淮者均其勢也釋名曰淮章也章繞楊州北界東至于海也爾雅曰淮為澣然淮水與醴水同源俱導西流為醴東流為淮自戴無此字潛流地下三十許里東出桐柏之大復山南謂之陽口

水南即復陽縣也闕駟言復陽縣湖今按戴作胡陽之

樂鄉也元帝元延二年置在桐柏大復山之陽故曰復陽也東觀漢記曰朱祐少孤歸外家復陽劉氏山南有淮源廟廟前有碑是南陽郭苞立又二碑竝是漢延熹中守令所造文詞鄙拙殆不可觀

按碑文今見隸釋○今按趙一清云其一碑見隸釋卷二

故經云東北過桐柏也淮水又東逕義陽縣今按此入字改

經為注戴趙同縣南對固成山山有水注流數丈洪濤灌山

遂成巨井謂之石泉水北流注于淮淮水又逕義陽

縣故城南今按此十字改經為注戴趙同

義陽郡治也世謂之白茅城其城圓而不方闕駟言晉太始中割南陽東鄙之安昌平林平氏義陽四縣置義陽郡於安昌城又太康記晉書地道記竝有義陽郡以南陽屬縣為名漢武帝元光四年封北地都尉衛山為侯國也按沈炳巽曰是元狩四年封○今按戴趙



竝徑改  
元狩

有九渡水注之水出雞翅山溪間滌委沿洄九渡矣  
洄諸本作湖以太平寰宇記其猶零陽之九渡水故  
校改。今按戴趙均作沿迤亦謂之為九渡焉於溪之東山有一水發自山椒下  
數丈素湍直注頽波委壑可數百丈望之若霏幅練  
矣下注九渡水九渡水又北流注于淮

東過江夏平春縣北

淮水又東油水注之

今按此入字改  
經為注戴趙同

水出縣西南油

溪東北流逕平春縣故城南

漢章帝建初四年封子全為王國

油水

今按趙  
作淮水

又東

今按趙  
有逕字

曲岸北有一土穴徑尺泉

流下注沿波三丈入于油水亂流南屈又東北注于

淮淮水又東北逕成陽縣故城南

漢高帝十二年封定侯奚意為侯國王莽之新利

也魏成陽郡治

淮水又東北與大木水合

今按此十字改  
經為注戴趙同

水西出大

木山

山即晉車騎將軍祖逖自陳留將家避難所居也

其水東逕成陽縣北而東入于淮淮水又東北流左

會湖水

今按此十字改  
經為注戴趙同

傍川西南出窮溪得其源也

全交水逕注

淮水



淮水又東逕安陽縣故城南今按此十一字改經為注戴趙同

江國也嬴姓矣今其地有江亭春秋文公四年楚

人滅江秦伯降服出次曰同盟滅雖不能救敢不

矜乎今按此下趙衍地里志曰四字戴依全芟漢乃縣之呂后八年封

淮南厲王子劉勃為侯國沈炳異曰是文帝八年封○按索隱以為馬翊

非也故胡三省亦主善長之說馬翊自惠帝以後不封國○今按戴本徑改呂后為文帝王莽

之均夏也

淮水又東得漣口水今按此八字改經為注戴趙同源南出大潰山

東北流翼帶三川亂流北注漣水又北逕賢首山西

又北出東南屈逕仁順城南

故義陽郡治分南陽置也晉太始初以封安平獻

王孚長子望本治在石城山上因梁希侵逼徙治

此城齊司州刺史馬鮮卑不守按何焯曰鮮卑齊

碑其為司州乃梁時○今按戴本徑改齊為梁鮮卑為仙琕魏置郢州也昔常

珍奇自懸瓠遣三千騎援義陽行事龐定光屯於

漣水者也

漣水東南流歷金山北

山無樹木峻峭層峙

漣水又東逕義陽故城北

城在山上因倚陵嶺周迴三里是郡昔所舊治城



城南一今按戴無此字十五步對門有天井周一今按戴無此字

百餘步深一丈

東逕鍾武縣故城南

本江夏之屬縣也王莽之當利縣矣

又東逕石城山北

山甚高峻史記曰魏攻冥阨音義曰冥阨或言在

鄆縣積山也按呂氏春秋九塞其一也

灑水逕鄆縣故城南

建武中世祖封鄆郡為鄆侯按蘇林曰音盲六字注中

注○趙本引全氏校語

灑水又東逕七井岡南又東北注于淮淮水又東至

谷口谷水南出鮮金山北流瑟水注之水出西南具

山東北逕光淹城東而北逕青山東羅山西俗謂之

仙居水按此句見曹學佺本東北流注于谷水谷水

東北入于淮

又東過新息縣南

淮水東逕故息城南

春秋左傳隱公十一年鄭息有違言息侯伐鄭鄭

伯敗之者也

淮水又東逕浮光山北



亦曰扶光山即弋陽山也出名玉及黑石堪為碁

其山俯映長淮每有光輝按此十九字以太平寰宇記校增。今按戴依

全增

淮水又東逕新息縣故城南按此句首脫四字今以文例推而增之。梓材

按底本有按此句亦以太平寰宇記校十一字而已抹之趙氏朱箋刊誤云舊本即弋山也寰宇記引此文作即弋陽山也出名玉至淮水又東凡校補二十四字。今按戴依全亦增淮水又東四字

應劭曰息後徙東故加新也王莽之新德也光武

十九年封馬援為侯國外城北門內有新息長賈

彪廟廟前有碑面南又有魏汝南太守程堯碑揚

日程堯即古文苑所載程曉。今按戴趙徑改程曉。魏太和中蠻田益宗効

誠按誠諸本誤作城。今按戴趙依改誠。立東豫州以益宗為刺史

淮水又東合慎水水出慎陽縣西而東逕慎陽縣故

城南

縣取名焉按闕駟曰本作慎陽永平五年失印更刻誤以水為心然則慎水乃慎水也

漢高帝十一年封欒說為侯國潁陰劉陶為縣長

政化大行道不拾遺以病去官童謠歌曰悒然不

樂思我劉君何時復來安此下民見思如此

應劭曰慎水所出東北入淮慎水又東流積為焦陂

陂水又東南流為上慎陂又東為中慎陂又東南為

下慎陂皆與鴻郟陂水散流其陂首受淮川左結鴻



陂漢成帝時翟方進奏毀之建武中汝南太守鄧晨  
 欲修復之知許偉君曉知水脉召與議之偉君言成  
 帝用方進言毀之尋而夢上天天帝怒曰何故敗我  
 濯龍淵是後民失其利時有童謠曰敗我陂翟子威  
 及子覆按及子覆者指其子義之禍也漢書本傳作  
反乎覆亦各有義。今按戴本徑改反乎覆  
殊非陂當復明府興復廢業童謠之言將有徵矣遂署  
 都水掾起塘四百餘里百姓得其利陂水散流下合  
 慎水而東南逕息城北又東南流入淮謂之慎口淮  
 水又東與申陂水合水上承申陂於新息縣北東南  
 流分爲二水一水逕深邱西又屈逕其南南派爲蓮

湖水南流注于淮淮水又左迤流結兩湖謂之東西  
 蓮湖矣淮水又東右合壑水按合字以宋本校增。○  
今按戴趙俱依增又按  
淮水又東右合壑水入  
字改經爲注戴趙同水出白沙山東北逕柴亭西  
 俗謂之柴水又東北流與潭溪水合水發潭谷東北  
 流右會柴水柴水又東逕黃城西

故弋陽縣也城內有二城西卽黃城也

柴水又東北入于淮謂之柴口也淮水又東北申陂  
 枝水注之今按此十一字改  
經爲注戴趙同水首受陂水於深邱北  
 東逕釣臺南

臺在水曲之中臺北有琴臺



又東逕陽亭南東南合淮淮水又東逕淮陰亭北又

東逕白城南今按此十五字改

楚白公勝之邑也東北去白亭一今按戴十里

淮水又東逕長陵戍南又東青陂水注之今按此十

為注戴分青陂東瀆東南逕白亭西又南于長陵戍

東東南入于淮淮水又東北合黃水今按此八字改

水出黃武山東北流太陵關水注之按木胡渭本作

氏曰按木陵即左傳之水導源木陵與西北流注于

黃水黃水又東逕晉西陽城南又東逕光城南

光城左郡治今按趙本作

又東北逕高城南

故弦高國也按弦高鄭商耳安得有國且淮上非

曰西陽故弦國然則于高城之高何以附會○梓

材按趙本引全氏校語末云將無誤記江黃道柏

又東北逕弋陽郡東

有虞邱郭南有子胥廟按胥諸本作相今以初學

改

黃水又東北入于淮謂之黃口淮水又東北逕褒信

縣故城南而東流注今按趙有也又東過期思縣北

今按此七字戴趙

俱作經文當依

淮水



縣故蔣國周公之後也春秋文公十年楚王田于

孟諸期思公復遂為右司馬楚滅之以為縣楚滅蔣在

前若期思公是楚大夫非蔣君也善長為誤○趙本引全氏曰道元似以期思公即蔣君之後而楚滅之誤也是蓋楚

之縣尹故稱公耳漢高帝十二年以封賁赫為侯

國城之西北隅有楚相孫叔敖廟廟前有碑

淮水又東北淠一作淠水注之今按此九字改經為注戴趙同水出弋

陽縣南垂山西北流歷陰山關逕二城間

舊有賊難軍所頓防

西北出山又東北流逕新城戍東又東北得詔虞水

口

西北去弋陽虞邱郭二十五里

水出南山東北流逕詔虞亭東而北入淠水又東北

注淮俗曰白鷺水按壽春之泚水一名淠水入淮而此則別一淠水也沈炳巽曰今固

始縣南五十里有淠水

東過原鹿縣南汝水從西北來注之今按戴于東過上加一又字

縣即春秋之鹿上也左傳僖公二十一年宋人為

鹿上之盟以求諸侯于楚建武十五年世祖更封

侍中執金吾陰鄉侯陰識為侯國者也

又東過廬江安豐縣東北決水從北來注之

廬江故淮南也漢文帝十六年別以為國應劭曰



故廬子國也

決水自舒蓼北注不于北來也安豐東北注淮者窮

水矣又非決水皆誤耳淮水又東谷水入焉今按此

經為注水上承富水東南流世謂之谷水也東逕原

鹿縣故城北

城側水南

谷水又東逕富陂縣故城北

俗謂之成閭亭非也地理志汝南郡有富陂縣建

武二年世祖改封平鄉侯王霸為富陂侯十三州

志曰漢和帝永元九年分汝陰置多陂塘以溉稻

故曰富陂縣也沈炳異曰漢志續志後漢書本傳皆作波波陂字通用

谷水又東于汝陰城東南注淮淮水又東北左會潤

水今按此九字改水首受富陂東南流為高塘陂又

東積而為陂水東注焦陵陂陂水北出為鰲陂陂水

潭漲引瀆北注汝陰四周隍塹下注潁水焦湖東注

謂之潤水逕汝陰縣東逕荆亭北而東入淮淮水又

東北窮水入焉今按此九字改水出六安國按六安

為國至六朝非國也下文亦稱安豐今按戴縣窮谷

泗水國皆不合是善長之失也安豐縣窮谷

春秋左傳楚救濶司馬沈尹戌與吳師遇于窮谷

今按戴無此字者也



川流泄注于決水之右北灌安豐之左世謂之安豐

水亦曰窮水今按戴本豐俱作風下同

音戎竝聲相近字隨讀轉十字注中注。趙本引全氏校語

流結為陂謂之窮陂塘堰雖淪猶用不輟陂水四分

農事用康北流注于淮京相璠曰今安豐有窮水北

入淮淮水又東為安豐津

水南有城故安豐都尉治後立霍邱成淮中有洲

俗號關洲蓋津關所在故斯洲納稱焉魏書國志

有曰司馬景王征母邱儉使鎮東將軍豫州刺史

諸葛誕從安豐津先至壽春儉敗與小第秀藏水

草堂安豐津都尉部民張屬斬之傳首京都即斯津也

又東北至九江壽春縣西泚水洪水洪水當作泄水趙本引全氏

校語今按泄合北注之又東潁水從西北來流注之

水戴依全改今按此二十九字戴趙作經當依淮水又東左合泚口又東逕中陽

亭北為中陽渡水流淺積可以厲也淮水又東流與

潁口會東南逕蒼陵城北又東北流逕壽春縣故城

西今按此二十七字改經為注戴趙同

縣即楚考烈王自陳徙此秦始皇立九江郡治此

兼得廬江豫章之地故以九江名郡漢高帝四年



為淮南國孝武元狩六年復為九江焉文穎曰史記貨殖傳曰淮以北沛陳汝南南郡為西楚彭城以東東海吳廣陵為東楚衡山九江江南豫章長沙為南楚是為三楚者也

淮水又東左合椒水今按此入字改經為注戴趙同水上承淮水東

北流逕虵城南又歷其城東亦謂之清水東北流注

于淮水謂之清口者左合椒水焉按此十一字是羨文蓋自虵城東北

流者即椒水一名清水亦何左合之有○梓材按蓋自虵城以下底本所有而已抹之趙氏朱箋刊誤曰者下落也字全氏云左合椒水焉五字羨文○今按戴本改末句為是此水焉

又東過壽春縣北肥水從縣東北流注之

淮水于壽陽縣西北肥水從城西而北入于淮謂之

肥口淮水又北夏肥水注之漢志沛郡城父縣夏肥水東南至下蔡入淮此

別是一水與九江成德之肥水無與也近志稱肥水曰東肥夏肥水曰西肥○趙本引全氏校語

上承沙水于城父縣右出東南流逕城父縣故城南

王莽之思善也

縣故雋夷之地春秋左傳昭公九年楚公子棄疾遷

許于夷實城父矣取州來淮北之田以益之伍舉授

許夷田杜預曰此時改城父為夷故傳實之者也今按

此下戴本有然丹遷城父人于陳以夷濮西田益之十五字言夷田在濮水西者

也然則濮水即沙水之兼稱得夏肥之通目矣



漢桓帝永壽元年封大將軍梁冀孫桃為侯國也

按沈炳巽曰是永興二年封

夏肥水自縣又東逕思善縣之故城南

漢章帝章和三年分城父立

夏肥水又東為高陂又東為天淙陂按潁水篇作大淙陂水出

分為二流南為夏肥水北為雞陂夏肥水東流左合

雞水水出雞陂東流今按趙無此字為黃陂又東南流積為

茅陂又東為雞水

呂氏春秋曰宋人有取道者其馬不進投之雞水

是也

雞水右今按趙作又會夏肥水而亂流東注俱入于淮淮

水又北逕山碇中謂之碇石今按此十二字改經為注戴趙同

對岸山上結二城以防津要西岸山上有馬跡世

傳淮南王乘馬昇仙所在也今山之東南石上有

大小馬跡一今按戴無此字十餘所仍今存焉

淮水又北逕下蔡縣故城東

本州來之城也吳季札始封延陵後邑州來故曰

延州來矣春秋哀公二年蔡成公自新蔡遷于州

來按未謀諱曰是昭侯其子乃成侯也沈炳巽謂

之下蔡也淮之東岸又有一城即下蔡新城也二



城對據翼帶淮濱

淮水東逕八公山北

山上有老子廟

淮水歷潘城南

置潘溪成戍東側潘溪吐川納淮更相引注

又東逕梁城

臨側淮川川左有湄城

淮水左迤為湄湖淮水又北右納洛川于西曲陽縣

北水分閘溪北絕橫塘又北逕蕭亭東又北鵲甫溪

水入焉水出東鵲甫谷西北流逕鵲甫亭南西北流

注于洛水北逕西曲陽縣故城東

王莽之延平亭也應劭曰縣在淮曲之陽下邳有

曲陽故是加西也

洛澗北歷秦墟下注淮謂之洛口經所謂淮水逕壽

春縣北肥水從縣東北注者也蓋經之謬矣考川定

土即實為非是曰洛澗非肥水也淮水又北逕莫耶

山西今按此九字改  
經為注戴趙同

山南有陰陵縣故城漢高祖五年項羽自垓下從

數百騎夜馳渡淮至陰陵迷失道左陷大澤漢令

騎將灌嬰以五千騎追及之于斯縣者也按地理



志王莽之陰陸也後漢九江郡治時多虎災百姓

苦之南陽宋均為守按朱謀璋曰謝承漢書宋作宗○今按戴本經改宗均趙

本从范書仍作宋退貪賤進忠良虎悉東渡江

又東過當塗縣北過水從西北來注之

淮水自莫耶山東北逕馬頭城北

魏馬頭郡治也故當塗縣之故城也按馬頭者續志當塗之馬

邱也齊書湖口南岸即馬頭呂氏春秋曰禹娶塗山氏女不以

私害公自辛至甲四日復往治水故江淮之俗以

辛壬癸甲為嫁娶日也禹墟在山西南縣即其地

也地理志曰當塗侯國也魏不害以圍守尉捕淮

陽反者公孫勇等漢以封之按趙一清曰據漢表

江德以捕得勇侯此本褚先生表耳王莽更名山聚也

淮水又東北濠水注之按沈炳異曰是元和志所謂

引全氏曰此尚未是鐘離之濠水乃元和志所謂西濠者也在懷遠縣界○今按此九字改經為注戴趙

同水出莫耶山之今按戴無此字東北溪溪水西北引瀆逕

禹墟北又西流注于淮淮水又北沙水注之今按此

經為注戴趙同經所謂蕩蕩渠也

淮之西有平阿縣故城王莽之平寧也建武十三

年世祖更封耿阜為侯國按沈炳異曰耿純封東

鄉侯從無平阿之封不知所本郡國志曰平阿縣有塗山今按趙



塗山

渠今按戴作淮

出于荆山之左當塗之右奔流二山之間

而楊濤北注之

按而諸本作西以北堂書鈔校改。今按戴依全改而句末之字作也字

春秋左傳哀公七年大夫對孟孫曰禹會諸侯于

塗山執玉帛者萬國杜預曰塗山在壽春東北非

也余按國語曰吳伐楚廩會稽獲骨焉節專車吳

子使來聘且問之客執骨而問曰敢問骨何為大

仲尼曰邱聞之昔禹致羣神于會稽之山防風氏

後至禹殺之其骨專車此為大也蓋邱明親承聖

旨錄為實證矣又按劉向說苑辨物王肅之敘孔

子廿二世孫孔猛所出先人書家語按諸本失廿

宋本校增○今按戴趙並依增茲出此事故塗山有會稽之名考

校羣書及方土之月按土多疑非此矣蓋周穆之

所會矣

淮水于荆山北過水自

今按戴作東

南注之又東北逕沛

郡義城縣東

司馬彪曰後隸九江也

又東過鍾離縣北

世本曰鍾離嬴姓也應劭曰縣故鍾離子國也楚

滅之以為縣春秋左傳所謂吳公子光伐楚拔鍾



離者也王莽之蠶富也

濠

今按戴作濠下同

水出陰陵縣之陽亭北

按沈炳異曰元和志所謂東濠

水也在今臨淮縣二濠之水東為大○趙本引全氏曰此所謂東濠也寰宇記云出鍾離縣南濠塘山二濠相近然東濠為大

小屈又石穴不測所窮言穴出鍾乳所未詳也

濠水東北流逕其縣西又屈而南轉東逕其城南又

北歷其城東逕小城而北流注于淮淮水又東逕夏

邱縣南

今按此九字改經為注戴趙同

又東渙水入焉水首受菴蕩

渠于開封縣

史記韓釐王二十一年使暴鼓救魏為秦所敗鼓

走開封者也

東南流逕陳留北又東南西入九里注之

按此句有誤

水又東南流逕雒

今按戴作雍

邱縣故城南又東逕承匡

城又東逕襄邑縣故城南

故宋之承匡襄牛之地宋襄公之所葬故號襄陵

漢志注應劭以陳留襄邑為春秋襄牛師古引矣

元或于應氏不能別也竹書紀年梁惠成王十七年宋景鼓

今按戴作鼓衛公孫倉會齊師圍我襄陵十八年惠成

王以韓師敗諸侯師于襄陵齊侯使楚景舍來求

成公會齊宋之圍

按此所引與今竹書文有異然兩處似皆有誤即于此



也西有承匡城春秋會于承匡者也秦始皇以承  
匡卑溼徙縣于襄陵更爲襄邑也今按戴無此字王莽以  
爲襄平也漢桓帝建和元年封梁冀子胡狗爲侯  
國按胡狗當是梁肩之小字陳留風俗傳曰縣南有渙水故傳  
曰睢渙之間出文章天子郊廟御服出焉尚書所  
謂厥篚織文者也

渙水又東南逕已吾縣故城南又東逕鄆城北

春秋襄公元年經書晉韓厥帥師伐鄭魯仲孫蔑  
會齊曹邾杞次于鄆杜預曰陳留襄邑縣東南有  
鄆城

渙水又東南逕鄆城北新城南又東南左合明溝溝  
水自蓬洪陂東南流謂之明溝下入渙水又逕亳城  
北

帝王世紀曰穀熟爲南亳卽湯都也十三州志曰  
漢武帝分穀熟置春秋莊公十二年宋公子御說  
奔于今按戴無此字亳者也

渙水東逕穀熟城南

漢光武建武二年封更始子歆爲侯國

又東逕陽亭北

春秋左氏傳襄公十二年楚子囊秦庶長無地伐



宋師于楊梁以報晉之取鄭也京相璠曰宋地矣  
今睢陽東南三十里有故楊梁城今日陽亭也俗  
名之曰緣城非矣西北去梁國八十里

渙水又東逕沛郡之建平縣故城南

漢武帝元鳳元年封杜延年為侯國王莽之田平  
也

又東逕鄆縣故城南

春秋襄公十年公會諸侯及齊世子光于鄆按朱謀  
日鄆今其地鄆聚是也王莽之贊今按戴治矣作鄆

渙水又東南逕費亭南

漢建和元年封中常侍沛國曹騰為侯國騰字季  
興譙人也永初中定桓帝策封亭侯此城即其所  
食之邑也

渙水又東逕銍縣故城南

昔吳廣之起兵也使葛嬰下之

渙水又東苞水注之水出譙城北自今按戴汀陂陂趙作白

水東流逕鄆縣南又東逕鄆縣故城南

漢景帝中元年封周應為侯國王莽更之曰單城

也音多二字注中注。趙本引注此校語。沈炳  
異曰。梓材按底本有此四字而又抹之  
趙本引沈氏曰漢書周縹傳景帝中元年封縹子  
應為鄆侯蘇林音多寒反讀如邯鄲之鄆也史記



周縹傳亦引蘇音則但曰音多漢志引孟康之音亦曰多丁度遂造為當何反之音以附會之觀是注則六朝本已如是不始于小顏小司馬也又宋祁曰音留蓋承六朝誤本以莽所改之單城為當城之繆若作留音則又添一疑編轉相迷惑不可窮詰矣

又東逕嵇山北嵇氏故居

嵇康本姓奚會稽人也先人自會稽遷于譙之鉅縣改為嵇氏取稽氏之上以為姓蓋志本也嵇氏譜曰譙有嵇山家于其側遂以為氏縣魏黃初中文帝以鄴城父山桑鉅置譙郡故隸譙焉

苞水東流入渙渙水又東南逕蘄縣故城南

地理志曰故垂今按戴作甄鄉也漢高帝破黥布于此

縣舊都尉治王莽之蘄城也水上有古石梁處遺

基尚存

渙水又東逕穀陽縣左今按趙作右會八丈故瀆瀆上承

浹水南流注于渙渙水又東逕穀陽戍南又東南逕

穀陽故城東北右與解水會水上承縣西南解塘東

北流逕穀陽城南即穀水也應劭曰城在穀水之陽

又東北流注于渙先大父贈公曰渙讀如濊胡三省通鑑注引地形志穀陽郡建城縣

有濊水丁度曰濊呼外反一作渙其音同今渙水又人呼為澮水即濊水也。趙本引全氏校語

東南逕白石戍南今按戴有又字逕虹城南浹水注之水首

受蘄水于蘄縣東南流逕穀陽縣八丈故瀆出焉又



東合長直故瀆今按戴作瀆下同瀆上承蘄水南會于涑涑

水又東南流于今按戴作涑涑縣故城北

縣有垓下聚漢高祖破項羽所在也王莽更名其

縣曰肴城應劭曰涑水所出音絞經之絞也六字注中

注。趙本引全氏校語

涑水又東南與渙水亂流而今按趙無此六字入于淮故應

劭曰涑水南入淮淮水又東至嶠石山潼水注之水

首受潼縣西南潼陂

縣故臨淮郡之屬縣王莽改曰成信矣今按趙無世二字涑夏邱縣

故城西

王莽改曰歸思也

又東南流逕臨潼戍西又東南至嶠石西南入淮淮

水又東逕浮山今按此七字改經為注戴趙同山北對嶠石山

梁氏天監中立堰于二山之間逆天地之心乖民

神之望自然水潰淮今按戴作壞矣

淮水又東逕徐縣南歷澗水注之今按此十三字改經為注戴趙同

水導徐城西北徐陂陂南流絕蘄水逕歷澗水今按戴作

戍西東南流注于淮淮水又東池水注之今按此八字改經為

注戴趙同水出東城縣東北流逕東城縣故城南



漢以數千騎追羽羽帥二十八騎引東城因四隲

山斬將而去即此處也史記孝惠八年封淮南厲

王子劉賜為侯國按孫汝澄曰是劉良非劉賜乃孝文八年封。今按戴本徑改

劉賜地理志王莽更名之曰武城也

池水又東北流歷二水間東北入于淮謂之池河口

也按湖三省曰今招信軍盱眙縣西淮陵城臨池河也池河過淮陵城西北入淮謂之池河口。趙本引全氏淮水又東蘄水注之今按此八字改水首受睢校語

水于穀熟城東北東逕建城縣故城北

漢武帝元朔四年封長沙定王子劉拾為侯國按

隱曰表在豫章然則今本脫而善長以為沛之建成恐非王莽之多聚也

蘄水又東南逕蘄縣

縣有大澤鄉陳涉起兵于此篝火為狐鳴處也

南則淩水出焉蘄水又東南北入今按戴八丈故瀆

今按戴作又東南今案戴流長直故瀆出焉又東入

夏邱縣東絕潼水逕夏邱縣故城北又東南逕潼縣

南又東南流入徐縣東按諸本無南字以柳僉本絕校增。今按戴無南字

歷澗又東逕大徐縣故城南按胡渭本又東流注于

淮淮水又東歷客山逕盱眙縣故城西按西胡渭本

此十四字改經為注戴趙同地理志曰都尉治漢武帝元朔元年封江都易王



子劉蒙之為侯國王莽更名之曰匡武

淮水又東逕廣陵今按戴無此字淮陽城南城今按趙無此二字

北臨泗水阻于二水之間

述征記淮陽太守治自後置戍縣亦有時廢興也

又東北至下邳淮陰縣西泗水從西北來流注之

淮泗之會即角城也左右兩川翼夾二水決入之所

謂泗口也

又東過淮陰縣北中瀆水出白馬湖東北注之

淮水石岸即淮陰也城西二里有公路浦

昔袁術向九江將東奔袁譚路出斯浦因以為名

焉

又東逕淮陰縣故城北

北臨淮水漢高帝六年封韓信為侯國王莽之嘉

信也昔韓信去下鄉而釣于此處也城東有兩冢

西者即漂母冢也周迴數百步高十餘丈昔漂母

食信于淮陰信王下邳蓋投金增陵以報母矣東

一陵即信母冢也

縣有中瀆水首受江于廣陵郡之江都縣

縣城臨江應劭地理風俗記曰縣為一都之會故

曰江都也縣有江水祠俗謂之伍相廟也子胥但



配食耳歲三祭與五岳同

子胥為浙江神今錢塘吳山祠廟香火甚盛而

大江之上杳然不知其亦主風濤之患也觀范史張禹傳及章懷注所引水經注逸文可見故山謙之南徐州記其于廣陵之曲江亦俱以為大江而不專主浙江非盡無說也。趙本引全氏校語

舊江水道也昔吳將伐齊北霸中國自廣陵城東南

築邗城城下掘深溝謂之韓江亦曰邗溟溝自江東

北通射陽湖地理志所謂渠水也西北至末口入淮

自永和江都水斷其水上承歐陽

胡三省曰江淮之間地名歐陽

見于史者非一處吳喜使蕭道成留軍歐陽在淮陰界裴邃拒長孫稚欲營歐陽則在壽春境土蕭正美為侯景柵歐陽斷援軍在今真州界邗溝之所承也而會稽縣亦有歐陽。趙本引全氏校語。今按戴於陽下引江入埭六十里至廣陵城加埭字

楚漢之間為東陽郡高祖六年為荆國十一年為

吳城即吳王濞所築也景帝四年更名江都武帝

元狩三年更曰廣陵王莽更名郡曰江平縣曰安

定今按戴城東水上有梁謂之洛橋

中瀆水自廣陵北出武廣湖東陸陽湖西二湖東西

相直五里水出其間下注樊梁湖舊道東北出至博

芝射陽二湖西北出夾邪乃至山陽矣至永和中患

湖道多風陳敏因穿樊梁湖北口下注精湖今本皆

湖非也魏志注黃初六年伐吳之師還至精湖十月水涸戰艦數千滯不行蔣濟鑿地聚船作土豚過湖水灌之入淮即此水也。逕渡渡十二里方達北口直。今按戴趙仍作津



至夾邪興寧中復以精湖多風又自湖之南口沿東岸二十里穿渠入北口自後行者不復由湖故蔣濟三州論曰淮湖紆遠水陸異路山陽不通陳敏穿溝更鑿馬瀨百里渡湖者也自廣陵出山陽白馬湖逕山陽城西即射陽縣之故城也應劭曰在射水之陽漢高祖六年封楚左令尹項纏為侯國也王莽更之曰監淮亭世祖建武十五年封子荆為山陽公治此十七年為王國城本北中郎將庾希所鎮中瀆水又東謂之山陽浦又東入淮謂之山陽口者也

又東兩小水流注之

淮水左逕泗水國南

故東海郡也徐廣史記音義曰泗水國名漢武帝

元鼎三年初置都鄒四年封常山憲王子思王商

為國沈炳巽曰漢志云元鼎四年別為泗水國而表作二年封已自不合是注又復參差史記漢興以來將相名臣年表商以四年封則志是而表非也又泗水國無鄒縣其都即凌縣善長亦誤○此從趙本錄入○今按戴本徑改三地理志曰年為四年而去下四年二字鄒亦作凌

王莽更泗水郡為水順今按趙作順水凌縣為生凌

凌水注之水出凌縣東流逕其縣故城東而東南流注于淮是曰凌口也應劭曰凌水出縣西南入淮即



經之所謂小水者也

又東至廣陵淮浦縣入于海胡渭曰淮浦漢屬臨淮郡其故城在今淮安府安東

縣西地理志云淮水至淮陵入海注疏本訛為睢陵唯

水經云至淮浦縣入海又曰淮陵故城在今盱眙縣西

八十五里此地距海甚遙淮何得于縣界入海也淮陵

乃淮陰之訛又云淮陰去海一百四十五里而志云淮

陰入海者亦猶江都去海甚遠而蒯氏道下云江水東

南至江都入海不言海陵也按東樵之言非也地志以

淮水之入海系之淮陵而以淮水所分之游水經其實

浦水經則但言淮浦以游水即淮水也漢志水經其實

一也說者謂盱眙去海尚遠不知淮水至此而止其東

即枝分之游水故班固曰淮陵也何得改曰淮陰乎○

趙本引全

氏校語

應劭曰淮涯也蓋臨測淮濱故受此名淮水逕縣故

城東

王莽更名之曰淮敬

淮水于縣枝分北為游水歷胸縣與沫水合又逕胸

山西

山側有胸縣故城秦始皇三十五年于胸縣立石

海上以為秦之東門崔瑗述初賦曰倚高艦以周

盼兮觀秦門之將將者也東北海中有大洲謂之

郁洲山海經所謂郁山在海中者也是山自蒼

梧從此云山上猶有南方草木今郁州今按趙治

故崔季珪之敘述初賦曰郁洲者故蒼梧之山也

心悅而怪之聞其上有仙士石室也乃往觀焉見



一道人獨處休休然不談不對顧非已及也即其

賦所云吾夕濟于郁洲今按趙州者也

游水又北逕東海利成縣故城之今按戴無此字東

故利鄉也漢武帝元朔四年封城陽其王子嬰為

侯國按此條足補漢表之注然後知非涿之利鄉也王莽更之曰流泉

游水又北歷羽山西

地理志曰羽山在祝其縣東南尚書曰堯時曰四

岳得舜時曰二字當疇咨之誤。趙本引全氏校語。今按戴依全徑改疇咨進十

六族殛鯀于羽山是為禱杙與驩兜三苗其工同

其罪故世謂之四凶鯀既死其神化為黃龍按晉語作

黃能韋昭注云能似熊宋庠云能乃來反汲冢晉春秋又作朱羆若黃龍則見于山海經郭注之開筮。趙本引全氏校語。今按戴作黃熊入于羽淵是為夏郊三代祀

之故連山易曰有崇伯鯀伏于羽山之野者是也

游水又北逕祝其縣故城西

春秋經書夏公會齊侯于夾谷左傳定公十年公

及齊平會于祝其實夾谷也服虔曰地二名王莽

更之曰猶亭

縣之東有夾口浦游水左逕瑯琊計斤今按原誤即邱戴依全改

計縣故城之西

地理志曰莒子始起于此後徙莒有鹽官故世謂



之南莒也

游水又東北逕贛榆縣北

東側巨海有秦始皇碑在上去海一百五十步

潮水至加其上三丈去則三尺所見東北傾石長

一丈八尺廣五尺厚三尺八寸一行一十二字

游水又東北逕紀鄆故城南

春秋昭公十九年齊伐莒莒子奔紀鄆莒之婦人

怒莒子之害其夫老而託紡焉取其繡而夜縋縋

絕鼓譟城上人亦譟莒其公懼啟西門而出齊遂

入紀故紀子帛之國穀梁傳曰吾伯姬歸于紀者

也杜預曰紀鄆地二名東海贛榆縣東北有故紀城卽此城也

游水東北入海舊吳之燕岱常泛巨海憚其濤險更

沿溯是瀆由是出地理志曰游水自淮浦北入海爾

雅曰淮別爲潁游水亦枝稱者也

鮚琦亭集東潛水經夏肥水帖子曰夏肥水在淮北導源于沛郡之城父南至下蔡入淮肥水在淮南導源于九江之成德北至壽春入淮其入淮有南北之分而夾岸適對故人至今以東西二肥河目之原非謂夏肥水能伏流潛達與肥合也若合肥又在壽春之東二百餘里乃九江之肥所經由其于沛郡之夏肥水風馬牛不相及也應劭乃曰夏水出城父東南至此與淮合故曰合肥關駟亦曰夏水至此合爲肥則沛郡之水既能伏流潛達又能引而長之以至于芍陂之間真異事也于



是善長疑之以為夏肥水無通肥水之理曲為之  
 說謂肥水之同源而出者尙有施水已各分注  
 于巢湖若夏水暴漲則復合故以名其水然則沛  
 郡之夏肥水得自為川而九江亦不礙于夏肥水  
 之目斯固騎郵之支詞雖然說也善長亦自有  
 見于夏肥之出而沛郡更無踰淮而東之理而  
 別為之說也而其下又曰施水出自城父至于九  
 江則可怪已極夫肥與施同源者也肥出九江而  
 施獨發于踰淮之沛郡則自背其說矣夏肥出沛  
 郡不能踰淮而施何以獨能之則又自背其說矣  
 然則沛郡有夏肥水者二矣是其欲調停應闕之  
 謬而墮于大悖者也而胡梅礪附和之何也夫淮  
 水篇中善長于沛郡之夏肥別有詮次源流了然  
 正自不錯其曰淮水于壽陽西北肥水注之淮水  
 又北夏肥水注之淮水于壽陽西北肥水注之淮水  
 在濮水者沙水濮水夏承沙水即杜預所謂夷田  
 水者葭蕩渠之支流也濁河清濟皆有津逮不止  
 一淮而已也苟知夏肥之出自葭蕩諒無有以九  
 江之水溷而列之者顧不知善長何以前後舛戾  
 若此足下于是書尤為護法沙門者也必將以為

誤文或後人補綴之失有足代  
 之解嘲者其幸有以語我也



水經注第二十五終

後學王梓材錄董沛重校

水經注第二十六 范陽酈道元注 鄞全祖望校

布政使銜浙江甯紹台兵備道無錫薛福成校刊

汝水

汝水出河南梁縣勉鄉西天息山

地理志曰出高陵山即猛山也亦言出南陽魯陽縣

之大孟山又言出弘農盧氏縣還歸山許氏博物志

曰汝出燕泉山竝異名也余以永平中蒙除魯陽太

守會上臺下列山川圖以方志參差遂令尋其源流

此等既非學徒難以取悉既在逕今按趙見不容不

述今汝水西出魯陽縣之大孟山蒙柏谷



巖郭深高山岫邃密石徑崎嶇人蹟裁交西即盧氏界也

其水東北流逕太和城西又東流逕其城北

左右深松列植筠柏交蔭尹公度之所棲神處也

又東屆堯山西嶺下水流兩分一水東逕堯山南為

湓水也即經所言湓水出堯山矣一水東北出為汝

水歷蒙柏谷

左右岫壑爭深山阜競高夾水層松茂柏傾山蔭

潛故世人以名也

水津流不已北歷長白沙口狐白谿水注之

夾岸沙漲若雪因以取名

其水南出狐白川北流注汝

今按戴有水字

汝水又東北趣

狼臯山者也

東南過其縣北

汝水自狼臯山東出峽謂之汝阨也東歷麻解城北

故鄆鄉城也謂之蠻中左傳所謂單浮餘圍蠻氏

蠻氏潰者也杜預曰城在河南新城縣之東南伊

洛之戎陸渾蠻氏城也俗以為麻解城

今按趙有非也二字

蓋蠻麻讀聲近故也

汝水又逕周平城南



京相璠曰霍陽山在周平城東南者也

汝水又東與三屯谷水合水出南山北流逕石碣東  
柱側刊云河南界又有一碣題言洛陽南界碑柱  
相對既無年月竟不知何代所表也

其水又北流注于汝水汝水又東與廣成澤水合水  
出狼臯山北澤中

安帝永初元年以廣成遊獵地假與貧民元初二  
年鄧太后臨朝鄧騭兄弟輔政世士以為文德可  
興武功宜廢寢蒐狩之禮息戰陣之法于時馬融  
以文武之道聖賢不墜五材之用無或可廢作廣

成頌云大漢之初基也揆厥靈囿營于南郊右轡  
三塗左枕嵩嶽面據衡陰背基王屋浸以波滌演  
以滎洛金山石林殷起乎其中神泉側出丹水涅  
池怪石浮磬耀焜于其陂桓帝延熹元年校獵廣  
成遂幸函谷關按馬融託于安不忘危之義而實  
則導君以游獵觀延熹六年陳蕃  
之諫則知  
融之佞

其水自澤東南流逕溫泉南與溫泉水合  
溫泉數今按趙  
作殷源揚波于川左泉上華宇連蔭茨  
薨交拒方塘石沼錯落其間頤道者多歸之舊多  
脫誤

以太平寰宇記校改  
○今按戴趙並依改



其水東南流注廣成澤水澤水又東南入于汝水汝水又東得魯公水口水上承陽人城東魯公陂

城古梁之陽人聚也魯公謂楚之魯陽公也故又曰陽人聚秦滅東

周徙其君于此

陂水東南流合于澗水水出北山南流注之又亂流注于汝水汝水之右有霍陽聚汝水逕其北東合霍陽山水水出南山

杜預曰河南梁縣有霍山者也

其水東北流逕霍陽聚東

世謂之華浮城非也春秋左傳哀公四年楚侵梁

及霍服虔曰梁霍周南鄙也建武二年世祖遣征虜將軍祭遵攻蠻中山賊張滿時厭新柏華餘賊

合攻得霍陽聚即此

霍陽山今按趙無此三字水又逕梁城西

按春秋周小邑也于戰國為南梁矣故經云汝水逕其縣北俗謂之治城非也以北有注城故也今置治城縣治霍陽山

水又東北流注于汝水汝水又右今按戴作左合三里水

水出北梁縣西北而東南流逕其縣故城西

故愚狐聚也地理志云秦滅西周徙其君於此因



乃縣之杜預曰河南縣西南有梁城卽是縣也

水又東南逕注城南

司馬彪曰河南梁縣有注城史記魏文侯三十二年敗秦于注者也

又與一水合水發注城東坂下東南流注三里水三里水又亂流入于汝汝水又東逕成安縣故城北

按地理志潁川郡有成安縣侯國也史記建元以來功臣侯者年表曰漢武帝元朔五年校尉韓干

秋擊南越死封其子韓延年爲成安侯卽此邑也按善長于汲水篇亦載此攷延年之封在

世謂之白泉城非也俗謬耳

汝水又東爲周公渡

藉承休之徽號而有周公之嘉稱也

汝水又東黃水注之水出梁山東南逕周承休縣故城東爲承休水

縣故子南國也漢武帝元鼎四年幸雒陽巡省豫州觀于周室邈而無祀詢問耆老乃得孽子嘉封

爲周子南君以奉周祀按汲冢古文謂衛將軍文子爲子南彌牟其後有子南勁紀年勁朝于魏後

惠成王如衛命子南爲侯秦并六國衛最後滅疑



嘉是衛後故氏子南而稱君也初元五年為周承

休邑地理志曰侯國也元帝置元始二年更曰鄭

公王莽之嘉莢也沈炳異曰志作嘉美。故汝渡

有周公之名蓋藉邑以納稱也今按戴無此字世謂之黃

城水曰黃水皆非也

其水又東南逕白茅臺東又南逕梁瞿今按趙作鄉

西

世謂之期城非也按後漢書世祖自潁川往梁瞿

鄉馮魴先詣行所即是邑也

水積為陂世謂之黃陂東轉逕其城南東流右合汝

水

又東南過潁川郊縣南

汝水又東與張磨泉合水發北阜春夏水盛則南注

汝水汝水又東分為西長湖湖水南北五十餘步東

西三百步汝水又東扈澗水北出大劉山南逕木蓼

堆東邾城西南流入于汝汝水又右逕為湖湖水南

北八九十步東西四五百步俗謂之東長湖湖水下

入汝古養水也水出魯陽縣北將孤山北長岡下數

泉俱發東歷永仁三堆南又東逕沙川世謂之沙水

歷山符壘北又東逕沙亭南



故養陰里也司馬彪郡國志曰襄城有養陰里京相璠曰在襄城郟縣西南養水名也俗以是水為沙水故亦名之為沙城非也又城處水之陽而以陰為稱更用惑焉但流雜間居裂漑互移致令川渠異容津途改狀故物望疑焉

又右會堊溝水水出沛公壘西六十許步

蓋漢祖入關往征是由故地擅斯目矣

其水東北注養水今按趙無此字養水又東北入東長迪湖

迪字衍。今亂流注汝水也汝水又逕郟縣故城南按戴趙均無

春秋昭公十九年楚令尹子瑕之所城也

激水注之水出魯陽縣之將孤山東南流許慎云水

出南陽郡今按戴趙無此字魯陽入父城從水敖聲呂忱字

林亦言在魯陽激水東入父城縣與柏水會柏一本作桓

按戴趙無此字水出魯陽北山水有二源奇導于

賈復城合為一瀆逕賈復城北

復南擊郟所築也俗語訛謬謂之寡婦城水曰寡

婦水

此瀆水有窮通故有枯渠之稱焉其水東北流至父

城縣北右注激水亂流又東北至郟入汝汝水今按戴有

又東南左合藍水水出陽翟縣重嶺山東南流逕紀



氏城西

有層臺謂之紀氏臺續漢書曰世祖車駕西征盜賊羣起邾令馮魴為賊延哀今按趙作襄所攻力屈上

詣紀氏羣賊自降卽是處在邾城東北十餘里

其水又東南流逕黃阜東而南入汝水汝水又東南

流今按趙有右字與白溝水合水出夏亭城西又南逕龍城

西城西北卽摩陂也縱廣可一今按戴無此字十五里

魏青龍元年有龍見於邾之摩陂明帝幸陂觀龍

于是改摩陂曰龍陂其城曰龍城水經注曰

其水又南入于汝水汝水又東南與龍山水會水出

龍山龍谿北流際父城縣故城東

昔楚平王大城城父以居太子建故杜預曰卽襄

城之城父縣也按城父父城本是二縣漢志父城屬潁川城父則屬汝南章懷太子傳注曰邾之父城

亦或謂之城父左傳楚平王城之以居太子是也故杜云卽襄城之城父以

別于沛今按戴作父城馮異據之以降世祖用

報巾車之恩也

其水又東北流與二水合俱出龍山北流注之又東

北入于汝水汝水又東南逕襄城縣故城南

王隱晉書地道記曰楚靈王築劉向說苑曰襄城

君始封之日服翠衣帶玉佩徙倚于流水之上卽



是水也楚大夫莊辛所說處後乃縣之呂后元年立孝惠後宮子義為侯國王莽更名相成今案趙作城

也黃帝嘗遇牧童于其野故嵇叔夜讚曰奇矣難測襄城小童倦遊六合來憇茲邦也其城南對汜城周襄王出鄭居汜卽是此城也春秋襄公二十六年楚伐鄭涉汜而歸杜預曰涉汝水于汜城下也晉襄城郡治京相璠曰周襄王居之故曰襄城也今置關於其下

汝水又東南流逕西不羹城南

春秋左傳昭公十二年楚靈王曰昔諸侯遠我而

畏晉今我大城陳蔡不羹賦皆千乘諸侯其畏我乎東觀漢記曰車騎馬防以前參藥勤勞省闕增封侯國襄城羹亭千二百五十戶卽此亭也

汝水又東南逕繁邱城南而東南出也

又東南過定陵縣北

湛水出犍縣北魚齒山西北東南流歷魚齒山下為湛浦方五十餘步

春秋襄公十六年晉伐楚報楊梁之役楚公子格及晉師戰于湛阪楚師敗績遂侵方城之外今水北悉枕翼山阜于父城東南湛水之北山有長阪



蓋卽湛水以名阪故有湛阪之名也

湛水又東南逕蒲城北

京相璠曰昆陽縣北有蒲城蒲城北有湛水者是也

湛水又東于汝水九曲北東入汝杜預亦以是水為

湛水矣周禮荊州其浸潁湛鄭玄云未聞蓋偶有不

照也今考地則不乖其土言水則有符經文矣趙本引全

氏校語曰周禮職方荊州之浸潁湛按湛是汝水之

流而潁亦與汝互相出入之水也又豫州之浸波澆

波亦汝水支流然則汝雖不見於禹貢而未嘗不重

于職方康成既不知湛水又不知波水非善長之注

何以證明○今按此汝水又東南逕定陵縣故城北

條王氏失引今補

漢成帝元延三年封侍中衛尉滄于長為侯國王莽更之曰定城矣東觀漢記曰光武擊王莽二公還到汝水上于涯以手飲水澡頰塵垢謂傅俊曰今日疲倦諸君寧憊也卽是水也

水右則滄水左入焉左則百尺溝出矣溝水夾岸層

崇亦謂之為百尺隄也自定陵城北通潁水于襄城

縣潁盛則南播汝決則北注溝之東有澄潭號曰龍

淵在汝北四里許南北百步東西二百步水至清深

常不耗竭佳饒魚筍湖溢則東注澗水矣汝水又東

南昆水注之水出魯陽縣唐山東南流逕昆陽縣故



城西

更始元年王莽徵天下能為兵法者選練武衛招募猛士旌旗輜重千里不絕又驅諸獷獸虎豹犀象之屬以助威武自秦漢出師之盛未嘗有也世祖以數千兵徼之陽關諸將見尋邑兵盛反走入昆陽世祖乃使成國上公王鳳廷尉大將軍王常留守夜與十三騎出城南門收兵于鄧尋邑圍城數十重雲車十餘丈瞰臨城中積弩亂發矢下如雨城中人負戶而汲王鳳請降不許世祖帥營部俱進頻破之乘勝以敢死三千人徑衝尋邑兵敗

其中堅于是水之上遂殺王尋城中亦鼓譟而出中外合勢震呼動天地會大雷風屋瓦皆飛莽兵大潰

昆水又屈逕其城南

世祖建武中封侍中傅俊為侯國故後漢郡國志有昆陽縣蓋藉水以氏縣也

按昆陽在班志已有之

昆水又東逕定陵城南又東注汝水汝水又東南逕奇頷城西北

今南潁川郡治也

瀆水出焉世亦謂之大瀨水爾雅曰河有雍汝有瀆



然則瀆者汝別也

按公羊子曰瀆泉者直泉也直泉者涌泉也釋名本之其音讀如瀆

謂自下而上也瀆則即其音之轉也後卷小瀆水下有汾陂善長曰汾俗音瀆蓋汾即漢之通也詩曰遵彼汝墳蓋汝翁之水為瀆則汝翁之土亦謂墳謂突起也即禹貢赤埴墳之墳亦讀如漢毛公乃以大防解之非也觀孟子則汝水宜決不宜防故其下夾水也其後瀆字又轉而為澗要之一也

之邑猶流汝陽之名是或瀆瀆之聲相近矣亦或下合瀆瀆兼統厥稱耳

又東南過鄆縣北

汝水逕奇額城西東南流其城衿帶兩水側背雙流

汝水又東南流逕鄆縣故城北

齊召南曰漢志于禮水入汝以鄆為鄆是

殆原本之訛而師古竟音為屋賴有此注足以正之

故魏下邑也史記楚昭陽伐魏取鄆是也

汝水又東得醴水口水出南陽雒縣亦云導源雒衡

山即山海經云衡山也郭景純以為南嶽非也馬融

廣成頌曰面據衡陰指謂是山在雒縣界故世謂之

雒衡山依山海經不言有水焉今按戴然有脫醴水無此字

東流歷唐山下

即高鳳所隱之山也

醴水又東南與皋水合水發皋山

郭景純曰梓材按趙氏朱箋刊誤云郭景純下或落曰字全氏校增○今按戴作言字

作章山



東流注于醴水醴水又東南逕唐城北南入城而西  
流出城

城蓋因山以即稱矣

醴水又屈而東南流逕葉縣故城北

春秋昭公十五年許遷于葉者也楚盛周衰控霸  
南土欲爭強中國多築列城于北方以逼華夏故  
號此城爲萬城或作方城今按戴作方字謂此四字係注中注唐勒  
奏土論曰我是楚也世霸南土自越以至葉垂引  
境萬里故號曰萬城也余按春秋屈完之在召陵  
對齊侯曰楚國方城以爲城杜預曰方城山名也

在葉南未詳孰是

方城自當以左傳爲是唐說晚出不足據蓋方譌而爲万流俗

固有以万爲萬字者楚惠王以封諸梁子高號曰葉公城即

子高之故邑也葉公好龍神龍下之河東王喬之

爲葉令也每月望常自詣朝堂

今按此二字戴作臺朝帝怪

其來數而不見車騎顯宗密令太史伺望之言其  
臨至輒有雙鳧從東南飛來于是候鳧至舉羅張  
之但得一隻鳧乃詔尙方診視則四年中所賜尙  
書官屬履也每當朝時葉門下鼓不擊自鳴聞于  
京師後天下玉棺于堂前吏民推排終不搖動喬  
曰天帝獨欲召我也乃沐浴服飾寢其中蓋便立



覆宿昔葬于城東土自成墳其夕縣中牛皆流汗  
喘乏而人無知者百姓為立廟號葉君祠牧守每  
班錄皆先謁拜之吏民祈禱無不如應若有違犯  
亦立能為崇帝乃迎取其鼓置都亭下略無復聲  
焉或云即古仙人王喬也按應仲遠嘗辨之以是為即葉公祠之謬  
以干氏書之于神化

醴水又逕其城東與燒車水合水西出苦菜山東流  
側葉城南而下注醴水醴水又東逕葉公廟北

廟前有沈今按趙無此字而有葉公二字子高諸梁碑舊秦漢之

世廟道有雙闕凡筵黃巾之亂殘毀頽闕魏太和

景初中令長修飾舊宇後長汝南陳晞以正始元  
年立碑碑字破落遺文殆存事見其碑

醴水又東與葉西陂水會縣南有方城山屈完所謂  
楚國方城以為城者也山有湧泉北流畜之以為陂  
陂塘方二里陂水散流又東逕葉城南而東北注醴  
水醴水又東注葉陂陂東西十里南北七里二陂竝  
諸梁之所塌也陂水又東逕濰陽縣故城北又東逕  
定陵城南東與芹溝水合其水導源葉縣東逕濰陽  
城北又東逕定陵縣南又東南流注醴其水逕流昆  
醴之間纏絡四縣之中疑即呂忱所謂混今按戴作峴水



也今于定陵更無別水惟是水可當之醴水東逕鄆縣故城南左入汝山海經曰醴水東流注于澠水也按山經作視水郭注或曰視宜為瀨攷水經別有瀨水篇而醴水不注瀨當關之梓材按趙本引全氏曰山經所云澧水注視澧乃濯字汝水又東南流逕鄧城西

春秋左傳桓公二年蔡侯鄭伯會于鄧者也

汝水又東南流無水注之

又東南過汝南上蔡縣西

汝南郡楚之別也漢高帝四年置王莽改郡曰汝

瀆今按戴縣故蔡國周武王剋殷封其弟

叔度子蔡世本曰上蔡也九江有下蔡先公云當作沛郡有

下蔡非九江也故稱上竹書紀年曰魏章率師及鄭師伐

楚取上蔡者也建安元年安帝封鄧騭為侯國沈炳

異曰按傳是安帝永初元年○今按戴趙均依此徑改永初

汝水又東逕懸瓠城北

王智深云汝南太守周矜起義于懸瓠者是矣今

豫州刺史汝南郡治按此言北魏之汝南郡治在懸瓠非言西漢之汝南治上

蔡也閻若璩讀其文不詳而疑之

城之西北汝水枝別左出西北流又屈西東轉又西

南會汝



形若垂瓠者彥云城北名馬灣中有地數頃上有栗園栗小殊不竝固安之實也然歲貢三百石以充天府水渚卽栗州今按趙作洲也樹木高茂若屯雲積氣焉林中有栗堂射埠甚閑敞牧宰及英彥多所遊薄其城上西北隅高祖以太和中幸懸瓠平南王肅起高臺于小城建層樓于隅阿下際水湄降眺栗渚左右列榭四周參差競峙奇爲佳觀也又東南過平輿縣南

溱水出浮石嶺北青衣山亦謂之青衣水也東南逕朗陵縣故城西

應劭曰西南有朗陵山縣以氏焉世祖建武中封城門校尉臧宮爲侯國也

溱水又南屈逕其縣南又東北逕北宜春縣故城北王莽更名之爲宣孱也豫章有宜春故加北矣永元三年安帝封后父侍中閭暢爲侯國沈炳巽曰帝年號當是元初○今按戴趙均依此徑改元初

溱水又東北逕馬香城北又東北入汝汝水又東南逕平輿縣南安城今按戴作成縣故城北

王莽更名至成也漢武帝元光六年封長沙定王子劉蒼爲侯國矣



汝水又東南汝水按此即消水篇之汝水唐時尚注有汝港柵。今按戴作陂水

之水今按趙無此三字首受慎水于慎陽縣故城南陂按師古注

慎本陂水兩分一水自陂北逕慎陽城四周今按趙作圍

城塹

潁川荀淑遇縣人黃叔度于逆旅與語移日曰子

吾師表也范奕論曰黃憲言論風旨無所傳聞然

士君子見之者靡不深服遠去疵吝將以道周性

全無得而稱乎

塹水又自瀆東北流注北陂一水自陂東北流積為

陂陂水又東北又結而為陂世謂之窖陂陂水上

承慎陽縣北陂東北流積而為土陂陂水又東為窖

陂陂水又東南流注壁陂陂水又東北為太陂陂水

又東入汝汝水又東南逕平陵亭北又東南逕陽遂

鄉北汝水又東逕樂亭北樂當作樂。今按戴趙均依此改樂

春秋之棘櫟也杜預曰汝陰新蔡縣東北有櫟亭

今城在新蔡故城西北半淪水

汝水又東南逕新蔡縣故城南

昔管蔡間王室放蔡叔而遷之其子胡能率德易

行周公舉之為魯今按戴無此字卿士以見于王王命之

以蔡中呂地也按汝南有大呂小呂故有中呂改以爲申呂者謬。今按戴趙均作



申以奉叔度祀是為蔡仲矣宋忠曰故名其地為

新蔡王莽所謂新遷者也世祖建武元年封吳國

為侯國沈炳巽曰是建武二十八年封汝南先賢

傳曰新蔡鄭敬字次都為郡功曹都尉高懿廳事

前有槐樹白露類甘露者懿問掾屬皆言是甘露

敬獨曰明府政未能致甘露但樹汁耳懿不說敬

託疾而去

汝水又東南左會潁水水上承汝水別流于奇頽城

東東南流為練溝逕召陵縣西東南流注至今按趙

上蔡西岡北為黃陵陂陂水東流于上蔡岡東為蔡

塘又東逕平輿縣故城南為潁水

縣舊沈國也有沈亭春秋定公四年蔡滅沈以沈

子嘉歸後楚以為縣梓材按趙氏朱箋刊誤云後

校增○今按史記曰秦將李信攻平輿敗之者也

建武三十年世祖封銚統為侯國朱謀璋曰統封

本汝南郡治按前後漢汝南皆治平輿閭若據誤

長注為證而昔費長房為市吏見王壺公懸壺郡

市長房從之因而自遠同入此壺隱淪仙路骨謝

懷靈無會而返雖能役使鬼神而終同物化城南

里餘有神廟世謂之張明府祠水旱之不節則禱



之廟前有圭碑文字紊碎不可復尋碑側有小石  
函接桂陽先賢畫讚臨武張熹字季智為平輿令  
時天大旱熹躬禱雩未獲嘉應乃積柴今按戴自  
焚主簿侯崇小史張化從熹焚焉火既燎天靈感  
應即澍雨此熹自焚處也

澧水又東南左迤為葛陂

陂方數十里水物含靈多所苞育昔費長房投杖  
于陂而龍變所在也又効東海君于是陂矣

陂水東出為鮑水俗謂之三丈陂亦曰三巖水水逕

鮑陽縣故城南按樂史曰鮑音糾紅翻乃知  
今本漢志音糾者脫文也

應劭曰縣在鮑水之陽漢明帝永平中封衛尉陰

興子慶為侯國也縣有葛陵城建武十五年更封

銓侯姚丹為侯國朱謀埠曰丹以安成徙封非銓  
梓材按趙本即以二語為全

氏說似誤○今按城之東北有楚武王冢民謂之

楚王琴城北祝社里下土中得銅鼎銘曰楚武王

是知武王壘也

鮑陂東注為富水水積之處謂之陂塘津渠交絡枝

布川隰矣澧水自葛陂東南逕新蔡縣故城東而東

南流注于汝汝水又東南逕下桑里左迤為橫塘陂

又東北為青陂者也汝水又東南逕壺邱城北



故陳地春秋左傳文公九年楚侵陳剋壺邱以其服于晉是也

汝水又東與青陂合水上承慎水于慎陽縣之上慎陂右溝北注馬城陂

陂西有黃邱亭

陂水又東逕新息亭北又東為網陂網一作網陂水又東逕新息縣結為牆陂陂水又東逕遂鄉東南而為壁陂又東為青陂

陂東對大呂亭春秋外傳曰當成周時南有荆蠻申呂姜姓矣蔡平侯始封也西南有小呂亭故此

稱大也側陂南有青陂廟廟前有陂漢靈帝建寧三年新蔡長河南緱氏李言上請修復青陂司徒臣訓尚書臣襲奏可洛陽宮于一本于字在可字之下青陂東塘南樹碑稱青陂在縣坤地源起桐柏淮川別流入于潺湲逕新息牆陂衍入襄信界灌溉五百餘頃

陂水又東分為二水一水南入淮一水東南逕白亭北又東逕吳城南

史記楚惠王二年子西召太子建之子勝于吳勝入居之故曰吳城也



又東北屈逕壺邱東而北流注于汝水世謂之薄谿

水汝水又東逕襄信縣故城北而東注矣

又東至原鹿縣

汝水又東南逕縣故城西杜預釋地曰汝陰有原鹿

縣也

南入于淮

所謂汝口側水有汝口戍淮汝之交會也

滙水出南陽魯陽縣西之堯山

按左傳云楚子上與晉師夾泚而軍杜預曰泚水出魯陽縣東經襄城定陵入汝即滙水也蓋音同字異耳○趙本引全氏校語

堯之末孫劉累以龍食帝孔甲孔甲又求之不得

累懼而遷于魯縣立堯祠于西山謂之堯山故張

衡南都賦曰奉先帝而追孝立唐祠于堯山

堯山在太和川太和城東北滙水出焉

按滙水顧祖禹曰即左傳之泚水晉陽處父曰與楚子上夾泚而軍者也杜預注不詳而善長亦畧之二家皆成疏失

張衡南都賦曰其川瀆則滙澧灤澆發源巖穴布

濩漫汗漉沆洋溢總括急趨箭馳風疾者也

滙水又歷太和川東逕小和川又東溫泉水注之水

出北山阜七源奇發炎熱特甚闕駟曰縣有湯水可

以療疾矣今按戴無此字湯側又有寒泉焉地勢不殊而炎



涼異致雖隆火盛日肅若水谷矣渾流同谿南注滢

水又東逕胡木山東流又會溫泉口水出北山阜炎

勢奇毒病今按戴作痲疾之徒無能澡其衝漂救癢者咸

去湯十許步別池然後可入

湯側有石銘云皇女湯可以療萬疾者也故杜彥

達云然如沸湯可以熟米飯今按戴趙作飲下同之愈百病

道士清身沐浴一日三飯多少自在四十日後身

中萬病愈三蟲死學道遭難逢危終無悔心可以

牢神存志即南都賦所謂湯谷湧其後者也然宛

縣有紫山山東有一水東西十五里南北二百步

湛然沖滿無所通會冬夏常溫世亦謂之湯谷也

非魯陽及南陽之縣故也張平子廣言土地所苞

明非此矣

滢水又東房陽川水注之水出南陽雒縣西房陽川

北流注于滢

滢水之北有積石焉世謂女靈山其山平地介立

不連岡以成高峻石孤峙不託勢以自遠四面壁

絕極能靈舉遠望亭亭狀若單楹插霄矣北面有

如頽落劣得通步好事者時有扳陟耳

滢水又與波水合水出霍陽西川大嶺東谷



俗謂之歇馬嶺川曰廣陽川非也即應劭所謂孤山波水所出也馬融廣成頌曰浸以波澹杜佑曰豫州之浸是也

其水又南逕蠻城下

蓋蠻別邑也俗謂之麻城非也

波水又南分三川于白亭東而俱南入澧水澧水自下兼波水之通稱也是故闕駟有東北至定陵入汝

之文周禮豫州其川滎波其浸波澹康成師古皆不知波水所在而以滎波之波當之波當之不知洛既為川矣非而以爾雅流出為波之波當之不知洛既為川矣不應復以其支流為浸也波水自當以出霍陽由澧入汝之波為是此可補入周禮注中○趙本引全氏校語澧水又東逕魯陽縣故

城南

城即劉累之故邑也有魯山縣居其陽故因名為

王莽之魯山也昔在于楚文子守之與韓搆今按

難下無難戰有返景之誠今按戴內有南陽都鄉

正衛為碑

澧水右合魯陽關水水出魯陽關外分頭山橫嶺下夾谷東北出入澧澧水又東北合牛蘭水水發縣北

牛蘭山東南逕魯陽城東

水側有漢陽侯焦立碑

牛蘭水又東南與柏樹溪水合水出魯山北峽谷中



東南流逕魯山西而南合牛蘭水又東南逕魯山南  
關駟曰魯陽縣今其地魯山是也

水南注于滢滢水東逕應城南

故應鄉也應侯之國詩所謂應侯順德者也

彭水注之俗謂之小滢水水出魯陽縣南彭山蟻塢

東麓北流逕彭山西

下有彭山廟廟前有彭山碑漢桓帝元嘉三年杜  
仲長立彭水逕其西北漢安邑長尹儉墓東冢西  
有石廟廟前有兩石闕闕東有碑闕南有二獅子  
相對南有石碣二枚石柱西南有兩石羊中平四

年立

彭水又東北流直應城南而入滢滢水又左合橋水  
水出魯陽縣北恃山東南逕應山北又南逕應城西  
地理志曰故父城縣之應鄉也周武王封其弟爲  
侯國應劭曰韓詩外傳稱周成王與弟戲以桐葉  
爲圭曰吾以封汝周公曰天子無戲言王乃應時  
而封故曰應侯鄉亦曰應鄉按呂氏春秋云成王  
以桐葉爲圭封叔虞非應侯也汲郡古文殷時已  
有應國非成王矣戰國范雎所封邑也  
謂之應水滢水又東逕犇縣故城北



左傳昭公元年冬楚公子圍使伯州犁城犇是也  
出于魚齒山下

春秋襄公十八年楚伐鄭次于魚陵陟于魚齒之  
下甚雨楚師多凍徒役今按戴趙幾盡晉人聞有

楚師師曠曰不害吾驟歌北風又歌南風南風不  
競多死聲楚必無功矣所涉即澧水也水南有漢

中常侍長樂太僕吉成侯州苞冢冢前有碑基今按

趙作西枕岡城開四門門有兩石獸墳傾墓毀碑  
獸淪移人有掘出一獸猶全不破甚高壯頭去地  
減一丈許作制甚工左膊上刻作辟邪字門表壘

上起石橋歷時不毀其碑云六帝四后是諮是諏  
蓋仕自安帝沒于桓后于時閹闥擅權五侯暴世  
割剝公私以事生死夫封者表有德碑者頌有功  
自非此徒何用許為石至于春不若速朽苞墓萬  
古祇彰誚辱嗚呼愚亦甚矣

澧水又東犇水注之俗謂之秋水非也水有二源東  
源出其縣西南踐犢山東崖下水方五十許步不測  
其深東北流逕犇縣南又東北屈逕其縣東而北合  
西源今按趙水西源出縣西南頗山北阜下東北逕  
犇城西又屈逕其縣北東合右今按趙水亂流北注



于滢

漢高祖入關破南陽太守呂齮于犍東卽于是地滢水之陰也

滢水又東南逕昆縣故城北

昔漢光武與王尋王邑戰于昆陽敗之走者相騰

踐奔殪百餘里間今按趙無此字會大雨如注滢川盛溢

虎豹皆股戰士卒爭赴溺死者以萬數水爲不流

王邑嚴尤陳茂輕騎皆乘尸而渡今按戴作度矣

東北過潁川定陵縣西北又東過鄆縣東南入于汝

滢水東逕西不羹亭南亭北背汝水于定陵城北東

人汝鄆縣在南不得過

濯水

濯水出汝南吳房縣西北奧山東過其縣北入于汝

縣西北有堂今按戴作棠谿城故房子國春秋定公五

年吳王闔閭弟夫槩奔楚封之于堂谿故曰吳房

也漢高帝八年封莊侯楊武爲侯國建武中世祖

封泗水王欽子燁爲堂谿侯

山谿有白羊淵

淵水舊出山今按趙作白羊漢武帝元封二年白羊出

此淵畜牧者禱祀之俗禁拍手嘗有羊出水野母



驚拍今按趙作扑自此絕焉

淵水下合濯水濯水東逕濯陽縣故城西東流入觀水亂流逕其縣南

世祖建武元年封吳漢孫旦為侯國

沈炳巽曰吳漢三孫皆以

建武二十八年封吳旦吳盱吳國也而水經注皆以為元年誤矣。今按戴依此徑改二十八年

其水又東入于汝水

觀水

觀水出無陰縣東上界山

山海經謂之視水也

郭景純注或曰視宜為觀

出葦山許慎云出中陽山皆山之殊目也而東與泌

水合

梓材按朱箋本作而東與此水合趙氏刊誤引全氏云此當作泌以先司空本校改寰宇記云

唐州泌陽縣漢舞陰縣泌水在邑界是也。今按戴趙竝依改水出無陰縣旱山東

北流注觀水又東北殺水出西南大熟之山東北

流入于觀水又東淪水注之水出宣山東南流注

觀水觀水又東得奧水口水西出奧山東入于觀水

也

東過吳房縣南又東過濯陽縣南

應劭曰濯水出吳房縣東入觀縣之西北即兩川之

交會也



又東過上蔡縣南東入汝

無水

無水出無陰縣西北扶予山東過其縣南

山海經曰朝歌之山無水出焉東南流注于滎經書

扶予者其山之異名乎滎水上承赭今按戴作堵水東流

左與西遼水合又東東遼水注之俱導北山而南流

注于滎滎水又東北于無陰縣北左會無水其今按趙作

之道稍西不出其縣南

其故城在山之陽漢光武建武中封岑彭為侯國

漢以為陽山縣魏武與張繡戰于宛馬名絕景為

流矢所中公傷右臂引還無陰即是地也

城之東有馬仁陂郭仲產曰陂在泚今按戴作比下同陽縣

西今按趙無此字五十里蓋地百頃其所周溉田萬頃隨年

變種境無儉歲陂水三周其隍故瀆自隍西南而會

于泚無水不得復逕其南也且邑號無陰故無出南

之理出南則為陽也非直不究又不思矣無水又東

北澧水注之水出雉衡山東今按趙作東山南逕建城東

建當為卷字讀誤耳郡國志云葉縣有卷城

其水又東流入于葉陂水東北逕于東山西西流入

無梓材按朱箋本作其水又東流入于無無水東北逕于東山西西流入無趙氏刊誤引全氏云上重



文二無水當作葉陂不然無水何以流入于無乎以汝水注敘澧水文參校正之。○今按趙依全改戴仍與朱無水之左即黃城山也有谿水出黃城山梓材本同按趙氏朱箋刊誤云水出黃城山水上落有谿東北逕方城二字全氏校增。○今按戴趙並依全增

郡國志曰葉縣有方城郭仲產曰苦菜于東之間有小城名方城東臨溪水尋此城致號之由當因山以表名也苦菜即黃城也及于東通為方城矣世謂之方城山水東流注無水

故地理志今按戴無此三字而有聖賢冢墓記五字曰南陽葉方城邑今按戴本此邑西有黃城山按漢志曰葉有長城字在方城之上號曰方城未嘗云黃

城也是注所引或別有一地是長沮桀溺耦耕之理志。趙本引全氏校語。于方城蓋于此也盛弘之云葉東界有故城始隄縣東至瀕水達泚陽界南北聯聯數百里號為方城一謂之長城云酈縣有故城一面未詳里數號為長城即此城之西隅其間相去六百里北面雖無基築皆連山相接而漢水流其南故屈完答齊桓公云楚國方城以為城漢水以為池郡國志曰葉縣有長今按趙山曰方城指此城也無水又東北歷舞陽縣故城南



漢高祖六年封樊噲為侯國也

又東過西平縣北

縣故柏國也春秋左傳所謂江黃道柏方睦于齊也漢曰西平其西呂墟即西陵亭也西陵平夷故曰西平漢宣帝甘露三年封丞相于定國為侯國按于定國封西平本表曰臨淮王莽更之曰新亭晉太康地記曰縣有龍泉水可以砥礪刀劍特堅利故有堅白之論矣是以龍泉之劍為楚寶也縣出名金古有鐵官

又東過鄆縣南

鄆縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣順帝永建元年今按趙作延光中而引史以辨之以楊翟郭鎮為尚書令封定潁侯即此邑也



水經注第二十六終 後學王梓材錄董沛重校

水經注第二十七 范陽酈道元注 鄞全祖望校

布政使銜浙江甯紹台兵備道無錫薛福成校刊

潁水

潁水出潁川陽城縣西北少室山

秦始皇十七年滅韓以其地為潁川郡蓋因水以  
著稱者也漢高帝二年以為韓國王莽之左隊也  
山海經曰潁水出少室山地理志日出陽城縣陽乾  
山今潁水有三源奇發右水出陽乾山之潁谷  
春秋潁考叔為其封人

其水東北流中水導源少室通阜東南流逕負黍亭



東

春秋定公六年鄭伐馮滑負黍者也馮敬通顯志賦曰求善卷之所在遇許由于負黍京相璠曰負黍在潁川陽城縣西南二十七里世謂之黃城也亦或謂是水為灑水東與右水合左水出少室南谿東合潁水故作者互舉二山今按此四字趙作乃舉二三言水所發也

呂氏春秋曰十隨恥受湯讓自投此水而死張顯逸民傳嵇叔夜高士傳並言投澗水而死未知其孰是也

又

今案戴無此字東南過其縣南

潁水又東五渡水注之其水導源密高縣東北太室東谿

縣漢武帝置以奉太室山俗謂之崧陽城

及春夏雨泛水自山頂而迭相灌澍嶠流相承為二十八浦也陽早輟津而石潭不耗道路遊憩者唯得殮今案戴作餐飲而已無敢澡盥其中苟不如法必數日

不豫是以行者憚之山下大澤今按戴作潭周數里而清

深肅潔水中有立石高十餘丈廣二十許步上甚平整緇素之士多泛舟昇今案戴作升陟取暢幽情其水東



流今案戴逕陽城西石溜縈委溯者五涉故亦謂之

五渡水東南流入潁水潁水逕其縣故城南

昔舜禪禹禹避商均伯益避啟並于此也亦周公

以土圭測日景處漢成帝永始元年封趙臨為侯

國也按趙臨封成陽本表曰新息則非陽城○梓材按趙本引沈氏曰本表封成陽不封陽城

成陽屬汝南不屬潁川與全校略同縣南對箕山山上有許由冢堯

所封也故太史公曰余登箕山之今案趙上有許

由墓焉山下有牽牛墟側潁水有犢泉是巢父還

牛處也石上犢迹存焉又有許由廟碑闕尚存是

漢潁川太守朱寵所立潁水逕其北

東與龍淵水合其水導源龍淵東南流逕陽城北又

東南入于潁潁水又東平洛溪水注之水發玉女臺

下平洛澗世謂之平洛水呂忱所謂勺水出陽城山

蓋斯水也又東南流注于潁潁水又東出陽關歷康

今案趙城南有亭字

魏明帝封尚書右僕射衛臻為康鄉侯此即臻封

邑也

又東南過陽翟縣北

潁水東南流逕陽關聚聚夾水相對

俗謂之東西二土城也



穎水又逕上棘城西又屈逕其城南

春秋左傳襄公十八年楚師伐鄭城上棘以涉穎者也

縣西有故堰堰石崩禿頽基尚存舊過穎水支流所出也其故瀆東南逕三封山北今無水渠中又有泉流出焉時人謂之嶠水東逕三封山東東南歷大陵西連山

亦曰啟筮亭啟享神于大陵之上即鈞臺也春秋左傳曰夏啟有鈞臺之饗是也杜預曰河南陽翟縣南有鈞臺

其水又東南流水積為陂陂方十里

俗謂之鈞臺陂蓋陂指今案此二字趙作指鈞臺取名也

又西南流逕夏亭城西又屈而東南為郊之靡陂穎水自竭東逕陽翟縣故城北

夏禹始封于此為夏國故武王至周曰吾其有夏之居乎遂營洛邑徐廣曰河南陽城陽翟則夏地也春秋經書鄭伯突入于櫟左傳曰桓公十五年突殺檀伯而居之服虔曰檀伯鄭守櫟大夫櫟鄭之大都宋忠曰今陽翟也周末韓景侯自新鄭徙都之王隱曰陽翟本櫟也故穎川郡治也城西有



郭奉孝碑側水有九山祠碑叢柏猶茂北枕川流也

又東南過潁陽縣西又東南過潁陰縣西南

應劭曰縣在潁水之陽故邑氏之按東觀漢記漢封車騎將軍馬防為侯國防城門校尉位在九卿上絕席

潁水又南逕潁鄉城西

潁陰縣故城在東北舊許昌典農都尉治也後改為縣魏明帝封侍中辛毗為侯國也

潁水又東南逕柏祠曲東歷岡今案趙作罷。梓材按趙氏朱箋刊誤云

自此以下朱氏誤割經注一百七十二字遂至迷瞶不復可辨孫潛依柳僉鈔本又為改正方還舊觀則知趙所改正皆本柳氏全氏稱柳氏改正錯簡之功以潁水篇為首其從柳氏校可知固宜一一與趙同也邱城南

故汾邱城也春秋左傳襄公十八年楚子庚治兵于汾司馬彪曰襄城縣有汾邱杜預曰在襄城縣之東北也

逕繁昌故縣北

曲蠡之繁陽亭也魏書國志曰文帝以漢獻帝延康元年行至曲蠡登壇受禪于是地改元黃初其年以潁陰之繁陽亭為繁昌縣城內有三臺時人



謂之繁昌臺壇前有二碑昔魏文帝受禪于此自壇而降曰舜禹之事吾知之矣故其石銘曰遂于繁昌築靈壇也于後其碑六字生金論者以為司馬金行故曹氏六世遷魏而事晉也

潁水又東南流逕青陵亭城北北對青陵陂陂縱廣二十里潁水逕其北枝入為陂陂西則澇水注之水出襄城縣之邑城下東流注于陂陂水又東入臨潁縣之狼陂潁水又東南流而歷臨潁縣也

又東南過臨潁縣南又東南過汝南潁強縣北洧水從河南密縣東南注之

臨潁舊縣也潁水自縣西注小潁水出焉爾雅曰潁別為沙郭景純曰皆大水溢出別為小水之名也亦猶江別為沱也潁水又東南逕舉今案戴作臯城北

即古臯城亭矣春秋經書公及諸侯盟于臯鼫者也臯舉今案戴作澤字相似名與字乖耳

潁水又東逕潁陽城南

竹書紀年曰孫何取潁陽

潁強城東在東北潁水不得逕其北也潁水又東南潁水入焉非洧水也

又東過西華縣北



王莽更名之曰華望也有東故言西矣世祖光武  
皇帝建武中封鄧晨為侯國漢濟北戴封字平仲  
為西華令遇天旱慨治功無感乃積柴坐其上以  
自焚火起而大雨暴至遠近歎伏今案戴作服永元十  
三年徵太常焉

縣北有習陽城潁水逕其南也今案戴無此字經所謂洧水  
流注之也

又南過女陽縣北

縣故城南有汝水枝流故縣得厥稱矣

闕駟曰本汝水別流其後枯竭號曰死汝水故其

字無水余按汝女乃方俗之音故字隨讀改未必

一如闕氏之說以窮通損字也

梓材按趙氏朱箋刊誤引全氏曰汝

古皆作女道元以為方俗之音非也但不知漢人何以獨用古字于女陽女陰而其餘則否

潁水又東大滙水注之又東南逕博陽縣故城東

城在南頓縣北四十里漢宣帝封邴吉為侯國王

莽更名樂嘉

又東南過南頓縣北滙水從西來流注之

滙水于樂嘉縣入潁不至于頓

頓故頓子國也周之同姓春秋僖公二十五年楚  
伐陳納頓子于頓是也俗謂之潁陰城非也



潁水又東南逕陳縣南又東南左會交口者也

又東南至新陽縣北葭蕩今案戴作蕩下同渠水從西北來注

之

經云葭蕩渠者百尺溝之別名也潁水今按趙無南此二字

合交口新溝自是東出潁上有堰謂之新陽堰俗謂

之山陽塌非也新溝自潁北東出縣在水北故應劭

曰縣在新水之陽今縣故城在東明潁水不出其北

蓋經誤耳潁水自堰東南流逕項縣故城北

春秋僖公十七年魯滅項是矣

潁水又東右合谷水水上承平鄉諸陂東北逕南頓

縣故城南側城東注

春秋左傳所謂頓迫于陳而奔楚自頓徙南故曰

南頓也今其城在頓南三十餘里

又東逕項城中

楚襄王所郭以為別都都內西南小城項縣故城

也舊潁州治

谷水逕小城北又東逕魏豫州刺史賈逵祠北

王隱言祠在城北非也廟在小城東昔王凌為宣

王司馬懿所執屈廟而歎曰賈梁道王凌魏之忠

臣唯汝有靈知之遂仰鳩而死廟前有碑碑石金



生今案趙干寶曰黃金可採為晉中興之瑞

谷水又東流出城東注潁

潁水今案戴東側有公路城袁術所築也故世因

以術字名城矣

潁水又東逕臨潁城北

城臨水闕南面

又東逕雲陽二城間

南北翼水並非所具

又東逕邱頭

邱頭南枕水魏書郡國志曰宣王軍次邱頭王凌

面縛水次故號武邱矣周嬰曰司馬懿雖嘗討王凌至邱頭而武邱之名至

司馬昭克諸葛誕始改本注誤

潁水又東南流于故城北細水注之水上承陽都陂

陂水枝分東南出為細水東逕新陽縣故城北又東

南逕宋縣故城北

縣即所謂鄴邱者也梓材按趙氏朱箋刊誤云鄴邱上落即所謂三字全氏校

增○今按戴秦伐魏取鄴邱謂是邑矣漢成帝綏

和元年詔封殷後于沛以存三統平帝元始四年

改曰宋公章帝建初四年從邑于此故號新鄴為

宋公國也王莽之新延矣



細水又南逕細陽縣新溝水注之新溝今案此二字戴無新字趙

作新溝首受交口東北逕新陽縣故城南

漢高帝六年封呂青為侯國按史記作新陽善長所本也漢表作陽信

則是勃海但新陽有二一屬東海一屬汝南地志以屬東海者為侯國王莽更名曰

新明也

故應劭曰縣在新水之陽今無水故渠舊道而已東

入澤渚而散流入細細水又東南逕細陽縣故城南

王莽更之曰樂慶也世祖建武中封岑彭子遵為

侯國

細水又東南積而為陂謂之次塘公私引裂以供田

漑又東南流屈而西南入潁地理志曰細水出細陽

縣東南入潁潁水又東南流逕胡城東

故胡子國也春秋定公十五年楚滅胡以胡子豹

歸是也杜預釋地曰汝陰縣西北有胡城也

潁水又東南汝水枝津注之水上承汝水別瀆于奇

頡今案戴城東三十里世謂之大滙水也東南逕召

陵縣故城南

春秋左傳僖公四年齊桓公師于召陵責楚貢不

入即此處也城內有大井徑數丈水至清深闊駟

曰召者高也其地邱墟井深數丈故以名焉



又東南逕征羌縣

故石陵縣之安陵鄉安陵亭也世祖建武十一年以封中郎將來歛歛以征定西羌功故更名征羌也闕駟引戰國策以為秦昭王欲易地謂此非趙無此字也今

汝水別瀆又東逕公路臺北

臺臨水方百步袁術所築也

汝水別瀆今案戴作溝又東逕西門城即南利也

漢宣帝封廣陵厲王子劉昌為侯國

縣北三十里有孰城號曰北利故瀆出于二利之間

閭關女陽之縣世名之今案趙有日字死汝縣取水名故曰

女陽也又東逕南頓縣故城北又東南逕鮑陽城北

又東逕邱鄉城北又東逕固始縣故城北

地理志縣故寢也寢邱在南故藉邱名縣矣按漢志汝

南郡有寢縣應劭以為寢邱淮陽國有固始縣顏師古又以為寢邱故劉奉世疑之曰既別有固始則此寢疑更一地子謂非也淮陽之固始與寢本一地而分為二縣漢王追項羽至固陵晉灼曰即固始也師古曰後改為固始耳地理志屬淮陽續志光武改寢為固始而淮陽之固始則并省陳之陽夏故陽夏有固陵聚劉昭補注引晉灼云汝南固始縣以實之則二縣本相接也又何疑乎寢之更是一地乎但今漢志則無固始故寢王莽更名之文未知所據也。趙本引全氏校語王莽更名之曰閭治孫叔敖以土浸薄取而為封故能綿嗣



城北猶有叔敖碑建武二年司空李通又慕叔敖受邑故光武以嘉之更名固始

別汝又東逕蔡岡北

岡上有平陽侯相蔡昭冢昭字叔明周后稷之冑冢有石闕闕前有二碑碑字淪碎不可復識羊虎傾低殆存而已

枝汝又東北流逕胡城南而東歷女陰縣故城西北東入潁水潁水又東逕女陰縣故城北

史記高祖功臣侯者年表曰高祖六年封夏侯嬰為侯國王莽更名之曰汝濱也縣在汝水之陰故

以汝水納稱城西有一城故陶邱鄉也汝陰郡治

晉志汝陰郡魏置首汝陰縣後魏志汝陰郡城外晉武帝置治杜亭城。趙本引全氏校語

東北隅有舊臺翼城若邱俗謂之女郎臺雖經頽毀猶自廣崇上有一井疑故陶邱鄉所未詳

又東南至慎縣東南入于淮

潁水東南流左合上吳百尺二水俱承次塘細陂南流注于潁潁水又東南江陂水注之水受大灤陂陂水南流積為江陂南逕慎城西側城南流入于潁潁水又逕慎縣故城南

縣故楚邑白公所居以拒吳春秋左傳哀公十六



年吳人伐慎白公敗之王莽之慎治也世祖建武

中封劉賜為侯國

潁水又東南逕蜩螗郭東

俗謂之鄭城矣

又東南入于淮

春秋昭公十二年楚子狩于州來次于潁尾蓋潁

水之會淮也今按潁水篇改正錯簡全趙皆出於柳大中本宜其相同戴亦一一依改

則自云出于大典本矣

洧水

洧水出河南密縣西南馬領山

水出山下亦言出潁川陽城山山在陽城縣之東北蓋馬領之統目焉

洧水東南流逕一故臺南俗謂之陽子臺

又東逕馬領塢北

塢在山上

塢下泉流北注亦謂洧別源也而入于洧水洧水東

流綏水會焉水出方山綏谿即山海經所謂浮戲之

山也東南流逕漢弘農太守張伯雅墓

塋域四周壘石為垣隅阿相降列于綏水之陰庚



門表二石闕夾對石獸于闕下冢前有石廟列植  
三碑碑云德字伯雅河南密人也碑側樹兩石人  
有數石柱及諸石獸矣舊引綏水南入瑩域而為  
池沼沼在丑地皆蟾螭吐水石隍承溜池之南又  
建石樓石廟前又翼列諸獸但物謝時淪凋毀殆  
盡夫富而非義比之浮雲况復此乎王孫士安斯  
為達矣

綏水又東南流逕上郭亭南東南注洧洧水又東襄  
荷水注之水出北山子節谿亦謂之子節水東南流  
注于洧洧水又東會漚滴泉水出深谿之側泉流丈

餘懸水散注故世士漚滴稱南流入洧水也

又今案戴無此字東南過其縣南

洧水又東南流與承雲二水合俱出承雲山二源雙  
導東南流注于洧世謂之東西承雲水洧水又東微  
水注之水出微山東北流入于洧洧水又東逕密縣  
故城南

春秋謂之新城左傳僖公六年會諸侯伐鄭圍新  
密鄭所以不時城也今縣城東門南側有漢密令  
卓茂祠茂字子康南陽宛人温仁寬雅恭而有禮  
人有認其馬者茂與之曰若非公馬幸至丞相府



歸我遂挽車而去後馬主得馬謝而還之任漢黃門郎遷密令舉善而教口無惡言教化大行道不拾遺蝗不入境百姓為之立祠享祀不輟矣

洧水又左會璪泉水水出玉亭西北流注于洧今案戴有

字洧水又東南與馬關水合水出玉亭下東北流歷

馬關謂之馬關水又東北注于洧洧水又東合武定

水水北出武定岡西南流又屈而東南流逕零鳥塢

西側塢東南流塢側有水懸流赴壑一匹有餘直注

澗下淪積成淵嬉遊者矚望奇為佳觀俗人觀此水

挂于塢側遂目之為零鳥水東南流入于洧洧水又

東與虎贖山水合水發南山虎贖谿東北流入洧洧

水又東南赤澗水注之水出武定岡東南流逕皇臺

岡下又歷岡東東南流注于洧洧水又東南流澮水

注之洧水又東南逕鄆城南

世本曰陸終娶于鬼方氏今按趙無此字之妹為之女隤

是生六子孕三年啓其左脅三人出焉破其右脅

三人出焉其四曰求今按戴作萊言是為鄆人鄆人者

鄭是也鄭桓公問于史伯曰王室多難予安逃死

乎史伯曰虢郟公之民遷之可也鄭氏東遷虢郟

獻十邑焉劉楨云鄆在豫州外方之北北鄰于虢



都榮之南梓材按朱謀埠本作郟榮之南趙氏刊誤引全氏云郟當作都

今按戴趙左濟右洛居陽鄭此二字無兩水之間

並依全改交並無陽水但有陰水耳左傳陰阪陰

考潛洧之古文陽從陽從陰從陰近致訛○趙本引

校語食潛洧焉徐廣曰郟在密縣妘姓矣

不得在外方之北也

洧水又東逕陰坂北

水有梁焉俗謂是濟為參辰口左傳襄公九年晉

伐鄭濟于陰坂次于陰口而還是也杜預曰陰坂

洧津也服虔曰水南曰陰梓材按朱謀埠本作登南曰陰趙氏刊誤引全

傳呼之謬耳又晉居商今按戴參之分實沈之士

鄭處大辰今按此二字之野闕伯之地軍師所次

故濟得其名也按商參孫汝澄云當作菁參何焯

非二十八宿之參唐韻讀作所今切子謂義門以

說文立異而不細讀此注夫商星之舉何以亦為

實沈之主乎且鼻為晉分見于何書況善長引服

氏語謂參陰聲相近今改而為所今切幾何不

里而遙也然則尚不如孫說之近是矣且善長此

數語本屬傳會以晉為實沈之士而軍師所次即

以名其水口固未必然若鄭何嘗是闕伯之

土乎此不足深辨者也○趙本引全氏校語

又東過鄭縣南潛水從西北來注之

洧水又東逕新鄭縣故城中

左傳襄公元年晉韓厥荀偃帥諸侯伐鄭入其郛



敗其徒兵于涓上是也竹書紀年晉文侯二年同  
今按戴惠王子多父伐郟克之乃居鄭父之邱名  
作周之曰鄭是曰桓公皇甫士安帝王世紀云或言縣  
故有熊氏之墟黃帝之所都也鄭氏徙居之故曰  
新鄭矣城內有遺祠名曰章乘是也

涓水又東為涓淵水

春秋傳曰龍鬪于時門之外涓淵卽此潭也今涓  
水自鄭城西北入而東南流逕鄭城南城之南門  
內舊外蛇與內蛇鬪內蛇死六年大夫傅瑕殺鄭  
子納厲公是其今按此二字徵也水南有鄭莊公  
趙作自是

望母臺莊姜惡公寤生與段京居段不弟姜氏無  
訓莊公居夫人于城潁誓曰不及黃泉無相見也  
故成臺以望母用伸在心之思感考叔之言忻大  
隧之賦洩洩之慈有嘉融融之孝得常矣  
涓水又東與黃水合經所謂澮水非也黃水出太山  
南黃泉東南流逕華城西

史伯謂鄭桓公曰華君之士也韋昭曰華國名矣  
史記秦昭王三十三年白起攻魏拔華陽走芒卯  
斬首十五萬司馬彪曰華陽亭名在密縣嵇叔夜  
常采藥于山澤學琴于古人卽此亭也



黃水東南流又與一今按趙水合水出兩塘中此今按

字戴作華城二源兩分泉流派別東為七虎澗水西南岡四字

流即是水也其水西南流注于黃水

黃即春秋之所謂黃崖也故杜預云苑陵縣西有

黃水者也又東南流水側有二臺謂之積粟臺臺

東即二水之會也

捕獐山水注之水東出捕獐山西流注于黃水黃水

又南至鄭城北東轉于城之東北與黃溝合水出捕

獐山東南流至鄭城東北入黃水黃水又東南逕龍

淵今按趙東南七里溝水注之水出隙候亭東南平

地東注又屈而南流逕升城東又今按趙南歷燭城

西

即鄭大夫燭之武邑也

又南流注于洧水也

又東南過長社縣北

洧水東南流南濮北濮二水入焉今按戴有濮洧水

又東南與龍淵水合水出長社縣西北有故溝上承

洧水水盛則通注龍淵水減則津渠輟流其瀆中滋

泉南注東轉為淵淥今按戴水平潭清潔澄深俯視

游魚類若乘空矣所謂淵無潛鱗也又東逕長社縣



故城北

鄭之長葛邑也春秋隱公五年宋人伐鄭圍長葛是也後社樹暴長故曰長社魏潁川郡治也余以景明中出宰茲郡于南城西側修立客館版築既興于土下得一樹根甚壯大疑是故社怪長暴茂者也

稽之故說縣無龍淵水名蓋出近世矣京相璠春秋土地名曰長社北界有稟水但是水導于隍壟今按趙作壟之中非北界之所謂又按京杜地名並云長社縣北有長葛鄉斯乃縣徙于南矣然則是水即稟水也

其水又東南逕棘城北

左傳所謂楚子伐鄭救齊次于棘澤者也

稟水又東左注洧水洧水又東南分為二水也今按戴無此其枝水東北流注沙一水東逕許昌縣

故許男國也姜姓四岳之後矣穆天子傳所謂天

子見許男于洧上者也漢章帝建初四年今按趙有更字

封馬光為侯國春秋佐助期曰漢以許今按趙有昌字失

天下及魏承漢歷遂改名許昌也城內有景福殿

基魏明帝太和中造準價八百餘萬

洧水又東入汶倉城內俗以是水為汶水故有汶倉



之名非也蓋洧水之邸閣耳洧水又東逕鄆今按趙作偽下

同陵縣故城南

李奇曰六國為安陵也昔秦求易地唐且受使于

此漢高帝十二年封都尉朱今按趙作諸濞為侯國王

莽更名左亭

洧水又東鄆陵陂水注之水出鄆陵南陂東西南流

注于洧水也

又東南過新汲縣東北

洧水自鄆陵東逕桐邱南

俗謂之天井陵又曰岡非也

洧水又屈而南流

水上有梁謂之桐門橋藉桐邱以取稱亦言取桐

門亭而著今按趙無此字目焉然不知亭之所在未之詳

也

洧水又東南逕桐邱城

春秋左傳莊公二十八年楚伐鄭鄭人將奔桐邱

卽此城也杜預春秋釋地曰潁川許昌城東北京

相璠曰鄭地也今圖今按趙作國無而城見存西南去

許昌故城可三十五里俗名之曰隄其城南卽長

隄固洧水之北防也梓材按朱謀埠本作因洧水之北防也趙氏刊誤云因當



全水經注卷三  
作固全氏校改。西面桐邱其城邪長而不方蓋  
今案戴趙並依改。憑邱之稱卽城之名矣。

洧水又東逕新汲縣故城北

漢宣帝神雀二年置于許之汲鄉曲洧城以河南

有汲縣故加新也漢章帝建初四年封執金吾馬

光為侯國沈炳異曰按後漢書馬光無新汲

之封而建初四年所封卽許昌也已見

上文此蓋複出之錯簡○梓材按此從

趙本錄入。今按此十八字戴本刪。城在洧水

南隄上。又東洧水右迤為濩陂洧水又逕匡城南

扶溝之匡亭也。又東洧水左迤為鴨子陂謂之大穴口也

又東南過茅城邑之東北

洧水自大穴口東南逕洧陽城西南逕茅城東北又

南左合甲庚溝洧水上承洧水于大穴口東北枝分

東逕洧陽故城南

俗謂之復陽城非也蓋洧復字類音讀變漢建安

中封司空祭酒郭奉孝為侯國

其水又東南為鴨子陂陂廣一今按戴十五里餘波

南入甲庚溝西注洧東北瀉沙洧水又南逕一故城

西



俗謂之思鄉城西去洧水今按趙無此字十五里

洧水又右合澗陂水水今按趙無此字上承洧水于新汲縣

南逕新汲縣故城東又南積而為陂陂之西北即長

舍城長舍即長社之變陂水東翼洧隄西面茅邑

自城北門列築隄道迄于此岡世尚謂之茅岡即經

所謂茅城邑也陂水北出東入洧津西今按趙有北字納溷

流今按此四字戴作西納北異流五字

又東過習陽城西折入于潁

洧水又東南逕辰亭東

俗謂之田城非也蓋田辰聲相近城亭音韻聯故

也經書魯宣公十一年楚子陳侯鄭伯盟于辰陵

也京相璠曰潁川長平有故辰亭杜預曰長平縣

東南有辰亭今此城在長平城西北長平城在東

南或杜氏之謬傳書之誤耳長平東南淋陂北畔

有一阜東西減里南北五十許步俗謂之新亭臺

又疑是杜氏所謂辰亭而未之詳也

洧水又南逕長平縣故城西

王莽之長正也

洧水又南分為二水枝水今按戴作分東出謂之五梁溝

逕習陽城北又東逕赭邱南



邱上有故城郡國志曰長平故屬汝南縣有赭邱城卽此城也

又東逕長平城南東注澇陂洧水南出謂之雞籠水故水會有籠口之名矣洧水又東逕習陽城西西南折入潁地理志曰洧水東南至長平縣入潁者也

潁水

潁水出河南密縣大騮山

大騮卽具茨山也

黃帝登具茨之山升于洪隄之今按戴無此字上受神芝

圖于黃今按戴作華蓋童子卽是山也

潁水出其阿流而爲陂俗謂之玉女池東逕陘山北

史記魏襄王六年敗楚于陘山者也山上有鄭祭

仲冢冢西有子產墓累石爲方墳墳東有廟並東

北向鄭城杜元凱言不忘本際廟舊有一枯柏樹

其塵根故株之上多生稚柏成林今按趙無此二字列秀

青青望之奇可嘉矣

潁水又東南逕長社縣故今按戴無此字城西北南濮北濮

二水出焉

劉澄之著永初記云水經濮水源出大騮山東北流注泗衛靈聞音于水上殊爲乖矣余按水經爲



潁水不為濮也是水首受潁水川渠雙引俱東注

洧今按趙洧作有與之過沙枝流派亂互得通稱是以

春秋昭公九年遷城父人于陳以夷濮西田益之

京相璠曰以夷之濮西田益也杜預亦言以夷田

在濮水西者與城父人服虔曰濮水名也且字類

音同律瀾邈別不得為北濮上源師氏傳音于其

上矣

潁水又南逕鍾亭西又東今按趙無此字南逕皇臺西今按趙無

此二字而有一亭字又東南逕關亭西又東南逕宛亭西

鄭大夫宛射犬之故邑

潁水又南分為二水一水南出逕胡城東

故潁陰縣之狐人亭也

其水南結為陂謂之胡城陂潁水自枝渠東逕曲強

城東皇陂水注之水出西北皇臺七女岡北

皇陂即古長社縣之濁澤也史記魏惠王元年韓

懿侯與趙成侯合軍伐魏戰于濁澤是也

其陂今按趙有水字北對雞鳴城

即長社縣之濁城也

陂水東南流逕胡泉城北

故潁陰縣之狐宗鄉也



又東合胡城陂水水上承皇陂今按趙而有水字而東南流注于黃水謂之合作口而東逕曲強城北東流入溟水時人謂之勅水非也

勅溟音相類故字從聲變耳

溟水又逕東西二今按戴無此字武亭間

兩城相對疑是古之岑門史遷所謂走犀首于岑門者也徐廣曰潁陰有岑亭未知是否沈炳異曰縣有岸門史記魏世家哀王五年走犀首于岸門徐廣曰潁陰有岸亭張守節曰括地志云岸門在長社縣西北二十八里今名西武亭然則岑字誤也索隱引劉昭曰河東皮氏縣有岸頭亭蓋為謬矣○梓材按此從趙本錄入○今按戴依此徑改岸門

溟水又南逕射犬城東

即鄭公孫射犬城也蓋俗謬耳

溟水又南逕潁陰縣故城西

魏明帝封司空陳羣為侯國

其水自城西又東今按此七字戴作其水又東南五字逕許昌城南又

東南與宣梁陂水合陂今按趙有水字上承狼陂于潁陰城

西南陂南北二十里東西十里

春秋左傳曰楚子伐鄭次于狼淵是也

其水東南入許昌縣逕巨陵城北

鄭地也春秋左氏傳莊公十四年鄭厲公獲傅瑕



于大陵京相璠曰潁川臨潁縣東北二十五里有故巨陵亭古大陵也其水又東積而為陂謂之宣梁陂也

陂水又東南入潁水潁水又西南流逕陶城西又東南逕陶陂東

東南入于潁

鮪埼亭集潁水篇跋云水經潁水出河南密縣大隗山入潁說文曰異聲而說文又有潁水亦出河南密縣入潁則翼聲也乃求之水經無所謂潁水者而徐鼎臣注則潁水亦讀作翼聲與說文戾乃考之鼎臣之前先有師古其于地理志密縣下潁水亦曰翼聲與鼎臣合及細讀善長之注則曰時人謂潁水為勅水以音相類也則善長亦讀作翼聲故與勅混若異聲又何混焉愚竊疑潁水即翼

水也故自潁水及洧水潁水之入潁者並不聞更有翼水說文偶誤重出而異其音徐氏亦覺其非而改之但未及申明之此其失耳後考之小學諸家則戴侗曰潁即翼之重文其說是矣

潛水

潛水出鄭縣西北平地按潑水說文以出桂陽臨武者當之而水經注汝水篇亦有出平輿之潑水若其出鄭縣者說文以為潛水其音如潑其字不作潑也不知何時盡毛詩外傳國語孟子史漢諸書之潛胥改為潑猶幸水經存其舊稍留說文之學○趙本引全氏校語○張自烈曰潑洧之潑改作潛非則妄矣○此重校本夾片

潛水出鄆城西北雞絡塢下東南流逕賈復城西東南流左合潑水水出賈復城東南流注于潛潛水又南左會承雲山水水出西北承雲山東南歷渾子岡



東注

世謂岡峽為五鳴口

東南流注于潛潛水又東南流歷下田川逕鄆城西謂之為柳泉水也

故史伯答桓公曰君以成周之衆奉辭伐罪若尅虢鄆君之士也如前華後河右洛左濟主芣驪而食潛洧修典刑以守之可以少固即謂此矣

潛水又南懸流奔壑崩注文餘其下積水成潭廣四十許步淵深難測又南注于洧

按潛水不得入洧道元已詳辨之則此注

注洧之說疑衍文。趙本引全氏校語

詩所謂溱與洧者也世亦謂之鄆水也

東過其縣北又東南過其縣東又南入于洧水

自鄆潛東南更無別瀆不得逕新鄭而會洧也鄭城東入洧者黃崖水也蓋經誤證耳

灑水

灑水出灑強縣南澤中東入潁

灑水出潁川陽城縣少室山東流注于潁水而亂流

東南逕臨潁縣西北小灑水出焉東逕臨潁縣故城

北灑水又東逕灑陽城北又東逕灑強縣故城南

建武元年世祖封揚化將軍堅鐔為侯國沈炳巽曰據本



傳是二年。今案戴依此徑改二年。

潁水東為陶樞陂

余案潁陽城在潁水南然則此城正應為潁陽城而有潁陽之名者明在南猶有潁水故此城以陽為名矣

潁水之南有二瀆其南瀆東南流歷臨潁亭西東南入汝今無水也疑即潁水之故瀆矣汝水于奇嶺今案戴作雒城西別東派時人謂之大潁水東北流枝瀆右出世謂之死汝也別汝又東北逕召陵城北練溝出焉別汝又東汾溝出焉別汝又東逕征羌城北水南

有汾陂

俗音糞梓材案此三字注中注

汾水自別汝東注而為此陂水積征羌城北四五里方三十里許瀆左合小潁水水上承狼陂南流名曰鞏水青陵陂水自陂東注之東迴又謂之小潁水而南流注于大潁水大潁水取稱蓋藉潁沿注而總受其目矣又東逕西華縣故城南又東逕汝陽縣故城北東注于潁







